

RECIPE SALUTARE  
CONTRA  
SPINAS SPIRITUS & ANIMÆ,  
SIVE OCTO  
SOLILOQUIA  
CHRISTI,

DIVINISSIMI MEDICI,

Ad Animam Sponsam patientem, plena  
admirabili doctrinâ, ad discernendas etiam inti-  
mas affectiones, subtilissimâsque imperfectionum  
plagas & puncturas, quatenus mediante pre-  
tiosa hac curâ sanata, in offenso pede decurrere  
valeat triplicem orationis viam, & ad subti-  
lissimam altissimæ contemplationis, Evan-  
gelicæque perfectionis apicem

*pp. Eremitar.* pertingere. *Carmathulensium*  
EX

SPIRITUALI DISPENSATORIO

S. P. JOANNIS à CRUCE,

*Reformati Carmeli primo Parente,*  
Omnibus, perfectæ saluti inhiantibus (ur-  
gente charitate) communicatum, atque ob sin-  
gularissimam utilitatem post varias linguas lati-  
nitati donatum, unâ cum triplici appendice,  
ad eundem finem apprimè con-  
ducente,

*Vigrentis* Cum Licentia Superiorum. *Eremiti*  
A QUODAM

SUI ORDINIS S. SACERDOTE.

AUGUSTÆ & CRACOVIAE.

Sumptibus Jo. Christoph. Bartel, Anno 1714.







## *PRÆFATIO.*

**P**ermolesta sanè (haud diffi-  
teor) res est cuicunque via-  
tori, votis omnibus ad dul-  
cissimam, charissimamque Patriam  
aspiranti, non solum exosis via-  
rum ambagibus, aut nivium, im-  
briumque rigoribus, sed & insu-  
per continuis pedum scrupulis ve-  
xatum retardari. Multò tamen  
pejùs se se habet pia ac religiosa  
anima per triplicem orationis ac  
meditationis viam toto nisu ten-  
dens

dens ad veram, quia cœlestem Patriam, maximèque ad optatissimos Sponsi sui Jesu Christi, super omnia dilecti, amplexus anhelans: Si obstaculis majoribus superatis quot acutis scrupulis, tot spiritualibus spinis suo in itinere ita præpeditur ac fatigatur, ut vel tardè, vel nunquam suo ex asse potiatur amato. Stygiæ imposturæ, plerumque hoc opus, hic labor est, ejusmodi sentes vel inter sanctissimarum flores deliciarum seminare, omnémque movere lapidem, ut pes meditantis ejusdem identidem offensus, aut omninò desistat: aut non nisi cum multa difficultate, & sudore inceptam Justorum semitam prosequatur. Et ecce opportunus nobis adest S. Joannes à Cruce, magnus ille ac mysticus Do-



Doctor, quem dudum juratum,  
ac capitalem sibi hostem ultro pro-  
fessus est infernalis latro, qui com-  
passivo hisce malis occurrens affe-  
ctu, præsentissimam ejusmodi Pa-  
tientibus offert opem, medicam  
ostentans manum, quæ aut fixas  
extrahat; aut latentes detegat; aut  
occurrentes removeat spinas, læ-  
surasque sanet, quatenus mysticum  
spiritualis vitæ triduum per trinam  
ac tritam internæ orationis viam,  
non solum sine offendiculo, sed  
etiam cum lucro suo maximo, nec  
minori totius stygis detrimento  
felicissimè valeat terminare: quæ  
utique res est maximi momenti.  
Quis enim nesciat, plus valere ac  
præstare in conspectu Domini, san-  
ctæque Ecclesiæ, unicam perfe-  
ctam in arte meditandi animam,  
A 3 quam

quàm minùs perfectarum integram  
turbam? Age igitur anima de-  
vota & religiosa, utere salutari  
hocce Recipe, sequere hanc do-  
ctrinam, per omnia salutarem &  
Divinam, & habebis contra ob-  
vias spinas, earùmque læsuras,  
nunquam non ad manum pro-  
batissimum RECIPE, &  
præstantissimam Me-  
dicinam.



SOLI-



## SOLILOQUIUM I.

Qualiter se anima devota convenienter regulare debeat tam inter delicias & delectationes, quàm inter angustias & tribulationes, non plus æquo tristando de istis, nec nimium lætando de illis.

### I. *Sponsa.*

**O** dulcissime Jesu, Sponse mi dilectissime! prò quantum insidet mihi desiderium sciendi ac discendi modumque normamque, quam tenere me oportet tam in lætitia, quàm in tristitia, quæ vices non rarò agunt & alternant in me, ne aut per excessum, aut per defectum in utroque te Dominum meum offendam, ne aut inordinatâ depressa tristitiâ, aut vanâ dissoluta lætitiâ





contrà te (quod absit) toties délinquam.

2. *Sponsus*. Si salutaris iste timor cor tuum semper possideret, ac nunquam mente excideret, certè tu nec in uno nec in altero ad extrema unquam deflecteres, sed semper cum moderatione ac modestia te haberes, sicque medium tenendo, securè utique procederes, nec multam tristitiam ex adversis, nec nimiam lætitiā ex prosperis admitteres, modò autem quoties secùs facis, me Sponsum tuum aliquo modò offends.

3. *Sponsa*. Et quomodo me Domine mi, uti jubes moderamine in lætando, si non licet uti in te amando? siquidem juxtà mensuram dilectionis est & mensura exultationis. Et quam ratione potero moderare tristitiā meam? si frænum non invenio dolori meo, concepto de peccato meo, contrà Sponsum meum dilectissimum toties commissio?

4. *Sponsus*. Cape conveniens responsum ad hoc, Sponsa mea, & scito, dari gaudium spirituale, quod nascitur de eodem & actu intelligendi & amandi Deum, & huic moderatione nullatenus opus est,

im-



imò potius nullum debet scire modum, nec habere moderationem hocce gaudium, utpote quod non destruit, sed magis perficit dictum actum intelligendi & amandi Deum, & quò hic perfectior est, eò perfectius erit & ipsum gaudium; nam alterum alteri vices reddit, quia alterum ab altero perficitur, in tantum, ut anima tandem mediante utroque transformetur in Cherubinum intelligendo, & in Seraphinum amando & jubilando. **Modò autem** sicuti res se habet cum lætitia spirituali, ita & se habet (prout & debet & decet) cum tristitia spirituali, quæ dimanat ex eodem actu, quo penetrat anima fœditatem peccati sui cum maximo horrore & displicentia, contrà Dominum Deum suum & semetipsam admissi, & ne hîc quidem exigo moderationem aliquam, quoniam in hac nec modus præscribitur ullus, nec excessus nimius est. Imò hac ratione perfectior redditur actus cognoscendi & abhorrendi omnem culpam, & quantò hic perfectior erit, tantò perfectior erit & ipsa, hoc ex fonte, nata tristitia, quoniam augmentum ab invicem captant, prout de



amore & lætitia spiritali tibi dixi, & hæc tibi notes velim.

5. Attamen est & alia insuper sensibilis lætitia à Deo infusa, redundans & descendens in potentiam imaginativam & in appetitum sensitivum delectationis ac complacentiæ, sedem habens in ipsa voluntate, qualis contigit in mea transfiguratione, in qua corpori meo gloriam & gaudium animæ meæ communicavi. per hanc sensibilem lætitiā dilatatur Cor, succenditur facies, & præ gaudio in lachrymas etiam resolvitur. Et hîc tibi dico & modô & moderatione opus esse, quia hæc ab illa altera lætitia totaliter diversa, & aliena est. Adeò, ut illam semper expugnare nitatur, quod si anima potentiae imaginativæ & appetitui sensitivo prætensionibusque ejus acquiescit, inducitur intellectus in cæcitatem, & voluntas in stuporem, talique modô anima transformatur in carnem, & fit similis jumentis sylvestribus, prorumpit in risus dissolutos, in variâsque exorbitat, tam in verbis, quàm in gestibus insanias, quas vulgi ruditas multoties esse aliquid spirituale judi-



judicat, cùm in veritate aliud nihil sint, nisi mera fatuitas.

6. Insuper datur etiam tristitia sensibilis proveniens à Deo, sèque ad imaginativam diffundens, hæc afficit appetitum sensitivum tristitiæ, habétque sedem in voluntate; quæ medium excedens, torquet & opprimit præcordia non rarò usque ad profusas lachrymas & suspiria. Ecce hæc est illa, quam refrænare omnibus modis te decet, eò quòd spiritali tristitiæ sit è diametro opposita, & capitalis inimica. Hanc si dominari in te sinas, tollet lucem ab intellectu, & rationem à voluntate, idem faciens in suo genere, quod lætitia sensibilis & indisciplinata facit in suo. Passio isthæc (si indulgeas) eo usque degenerare valet, ut actiones, desperatis similes qualiter in Juda proditore videre est) exercere præsumat. Quodsi moderata fuerit, valdè bona est, sin verò pestifera, & modis omnibus perniciosa.

7. *Sponsa.* O dulcissime JEsu! prò quantum complacet sibi anima mea in ista pretiosa ab ore tuo audita veritate & doctrina: sed obsecro, dic mihi, si talis læti-



lætitia non provenit ex tui amore, nec tristitia ex offensâ, à me tibi illatâ, dolore, quid tum mihi factu opus est?

8. *Sponsus*. O quàm infans, rudis & puerilis tu mihi etiamnum in spiritu videris! quia times, ubi non est timendum, lætaris persæpe de reculis viliissimis, ubi nulla ratione foret lætandum, repeto igitur, & dico, si oportet certâ regulâ, normâ ac mensurâ te uti in iis, in quibus subest aliqua ratio lætandi aut tristandi, quantò magis ubi horum nulla suppedit.

*Sponsa*. Jam persuasam & convictam me in omnibus profiteor, attamen (ut mihi videtur) totum hoc negotium à meo parùm dependet arbitrio.

9. *Sponsus*. Bene, optimè. Si igitur non est in manu tua quidquam ex his omnibus, fac ex necessitate virtutem. Ego persæpe licentiam (etsi limitatam) indulgeo Satanæ, ut probet, tentet, & affligat Sponsas meas cum servo meo Job. 2.] Quatenus sese magis cognoscant, humilient, & in patientia exerceant, quæ (teste Apostolo meo) est filia charitatis. Nosti enim, quia Ipse prædicavi mundo 3], *maiorē charitatem nemini habere*



re, quàm ut animam suam ponat quis pro persona amata, prout exemplum & exemplar in, & à me habes. Profectò non est quid magnum, gratiis, beneficiis, & meis frui deliciis; hoc enim plurimorum est: ast bibere amarum internæ ac externæ afflictionis calicem ex amore mei, paucorum omninò est, & in horum numero te esse desidero. O térque quaterque beati omnes illi! qui esuriunt & sitiunt pati ac tribulari per cruces & tentationes propter me, quia saturabuntur, cibo ipsissimo, quem dedit mihi Pater meus. 3]. Qui juxtà plura Apostoli mei testimonia 4] non datur parvulis in virtute, sed fortibus, sed viris, sed adultis in illa.

10. Crevit Infans Isaac, ait S. Scriptura, abstraxeruntque illum à lacte & uberibus Matris suæ, propter quod jussit Pater ejus Abraham instrui magnificum convivium 5] in die ablactationis ejus. Sic & proficientibus subtrahitur lac dulcedinis & consolationis, & substituitur illorum locò cibus solidus angustiae & tribulationis, hancque ob causam in Aula mea cœlesti agitur festiva dies lætitiæ, quia



quia omnis plangendi ratio ibi procul abesse jubetur. Veni mecum ad librum Apocalypsis 6), ibi videbis præinctas zonâ aureâ mamillas meas, & minimè ferreâ, non enim ex odio, sed ex magno (quo in te feror) amore sic tecum agitur: hic in causa est, quòd non lumbos, sed pectus & ubera consolationum mearum ostendam tibi fasciata & abscondita, nam voluntas mea est, ut crescas & adolescas, etiam si tu non intelligas, nec convenit, ut cognoscas.

11. Hæc autem minimè fiunt ex aversione ergà te [uti tu erroneè judicas] sed hoc est ordinarium procedere meum cum electis & dilectis meis. Si enim pœnæ & angustia haberent rationem culpæ; si sentire, esset consentire, si intelligere malum, esset amare malum; si sustinere esset gaudere; tunc jure merito haberes anîm dubitandi & causam timendi, me iram fovere contrà te, præcipuè quandò in amarissimo pœnarum, phantasiarum, ac quarumvis adversitatum Oceano jamjam submergendam te plangis. Sed non ita res tua se habet, siquidem major est differentia inter culpam & pœnam, inter sentire & consentire, inter velle & cognoscere, quàm inter cælum & ter-

terram: eò quòd priora habeant rationem offensæ respectu mei, posteriora verò non ita, sed potius augmentum meritorum apportent, si tamen cum patientia & humilitate sustineas illa; malè igitur facis, si te affligis ob rem, quæ nullatenus me offendit, sed potius grata existit.

12. Considera bene scalam Jacob. 7. Nonne æquè erant Angeli, illi qui descendebant, quàm qui ascendebant? Idem usu venit apud Sponsas meas, quas modò humilio per tribulationes & adversitates, modò exalto per gratias & favores. Nunc illæ vexantur & mortificantur per Sponsi absentiam, modò recreantur per optatissimam illius præsentiam. Profectò nemo mortalium est, cui detur semper assidere nuptiali convivio, cum exemptione in hac vita ab omni jejunio. Hallucinaris planè, si quid simile desideras. Sola illa vita est vita stabilis, & immutabilis gloriæ & lætitiæ, hæc autem jugis alternatio mortificationis & pœnitentiæ. Putasne sana vota esse apud me illa, quibus optas, ut via & exilium tibi dulcescat velut Patria & Regnum? quod carcer tribulationis mutet faciem in Paradisum volupta.

luptatis & exultationis? minimè gentium. Forsitan tu major esse vis Apostolo meo? 8. cui, ne in gratiarum abundantia, favorumque præstantia ullatenus superbiret, datus est stimulus carnis, quem Angelum Sathanæ ille appellat, à quo eo usque vexatus est, in talèsque angustias redactus, ut ferventer & frequenter oraret, & idenditem mihi gemens supplicaret, quatenus tolleretur à se, & tamen non est exauditus à me, quia virtus humilitatis, patientiæ & charitatis perficiuntur in fornace tentationis & afflictionis.

13. Nec mihi opponas velim, te nescire, si ita & tecum agatur, sed potius timere hæc quasi signa reprobationis, & initium dolorum infernalium, qui tibi, ob multorum consciam demeritorum, iustè præparantur; excute procul à te similes phantasticas cogitationes; sufficiat tibi testimonium conscientiæ tuæ; per gratiam & misericordiam meam peccati mortalis de facto te haud accusantis. Vis nosse, ubinam huiusmodi timor locum habeat? in illis utique, qui scienter, dum hoc modo affliguntur, in actuali & gravi Domini Dei sui offensa versantur.

Fortè





Fortè & ego talis sum, reponis, quæ etiamnum hæreo infixæ in limo profundi? sed nunquid multoties audisti? Deum facienti quod est in se, suam nunquam denegare gratiam? Tu autem hoc fecisti, & sæpius secundum vires tuas fecisti, scilicet cogitando & dolendo de peccatis tuis, & Ecclesiæ Sacramenta frequentando.

13. Concludo hæc cum addito, si te modò non das victam & convictam potenti hocce veritatis ariete, & si insuper te non judicas indignam ipsa cruce & tribulatione, signum evidens est, te hîc & nunc plenam esse amore proprio ac inordinatis desideriis, quæ tibi impedimento sunt, quò minùs veritatis hujuscemodi lucem aspicere, aut desiderare, vel amare valeas.

Quapropter sequere consilium meum. Suadeo tibi, exinceps firmissimè proponas, æstimare dulce amarum, & amarum dulce, hæc faciens grandi frue-  
ris pace. Si tenebræ te premunt, spera lucem, & post lucem tenebras, sic experientiâ disces, tibi idem propè contingere, quod Amico meo Job; nec aliud tractamentum Sponsæ meæ sperare debent. Modò ostendo me illis per transennam,

& post modicum abscondo faciem meam. Quatenus utroque hoc medio altiores in eis humilitas radices agat per absentiam, amorque meus semper magis magisque excrescat per præsentiam. Hæc sunt illa duo puncta, quæ in eis amo, ac majori zelo zelare soleo. Profectò si ad te tuæque velis reflectere, etiam tecum sic sæpius agi, & actum esse, deprehendes.

- 1) Matth. 5. 6. 2) Joan. 18. 11. 3) 1 ad Corinth. 3. 1. 4) Gen. 21. 8. 5) Apocal. 1. 13. 6) ibid. 3. 19. 7) Genes. 28. 12. 8) Prov. 18. 23. 9) 2 ad Cor. 12. 7.

## SOLILOQUIUM II.

In quo reassumitur, & ampliùs explicatur præcedens materia, simulque ostenditur, quænam sit oratio interna tum recollectionis, tum meditationis, illamque huic esse præferendam

1. *Sponsa.* **D**esidero vehementer, Domine mi, prædicta denuò summatim, & in compendio audire; & hoc pro majori profectu meo; sic enim  
fa-



facilius capio, & firmius menti inhæsitura spero. Nam ultrò fateor, mihi valdè curtam & debilem esse memoriam.

2. *Sponsus.* Ecce lubens in vota tua condescendo, & totam, quam usque modo audisti à me lectionem, tibi paucis recanto, revocans in memoriam, quæ te in oratione ac spiritualibus exercitiis sentire toties facio. Sunt autem gaudium & delectatio sensibilis, gaudiùmque & delectatio spiritualis, sive cibus parvulorum, & cibus adultorum. Et licet in superioribus quatuor hæc puncta ad sufficientiam sint ventilata, nihilominus admonitam te velim, ut tibi caveas de errore, in quem non solum animæ rudes ac simplices, sed etiam valentiores, imò & sapientes Philosophi non rarò solent impingere, confundentes, aut pro eodem accipientes utrumque dictum gaudium. vel, si hoc non faciunt, saltem de spiritali & sensibili eodem modò judicant; id quod in causa est, ut sensibili delectationi utraque manu fræna laxantes, in maximas sese præcipitent stultitias, quas infernalis ille Impostor suis insufflationibus omnibus modis promovere studet.



3. Alterum malum, hoc ex errore consequens, est falsa norma & erronea regula, judicandi de bonitate & malitia actionum suarum. Ubi advertere debes, in bona morali Philosophia bonitatem & malitiam actionum moralium principaliter consistere in voluntate. Ut autem quis intelligat, utrum hæc voluntas bona sit, an mala? ante omnia ad finem maximè ipsi attendendum est, in hoc namque ipsa voluntas firmiter hæreret, & totam requiem suam ponere solet. Et hocce quiescere ego gaudium spirituale apello. Exinde namque habent actiones vestræ, quod vel bonæ, vel malæ existant; ita, ut si de ectatio fuerit de re bona, etiam actus erit bonus, si de mala, similiter actus quoque malus erit.

4. Igitur mea schola pro infallibili regula bonitatis ac malitiæ moralis in agendis ponit spirituales voluntatis delicias, nullatenus verò seductorium illud appetitûs sensitivi gaudium. Sed cave ne quosvis vehementes lætantis animi motus aut suspiria, vel risus huc reducendos existimes. Siquidem hoc totum non nisi sensibile & sensuale est, licet aliter judicent plures

plures similis farinæ homines. Qui illa solum magnificiunt exercitia, quibus dicta sensibilia præstò sunt, sic oratio, obedientia, disciplina, imò & S. Communio, si carent hocce condimentò, ipsis insipida sunt, stomachumque movent, atque pro perditis habent omnia, quæ perversio suo genio non concordant.

5. Crede mihi filia, hujus generis animæ nunquam proficient, nunquam verè spirituales erunt, quia cibos solidos recusant, semperque ad ubera pendere, & sic infantes manere desiderant, quidquid amarum est, quidquid insipidum (quantumvis salutare) fastidientes. Utinam tandem saperent, & intelligerent, sese in immaturo suo & infantili Judicio vehementer decipi; Spiritus est, qui vivificat, Spiritus, qui verè impingat: de sensu ad Spiritum te transferri volo, non de Spiritu ad sensum ordine præpostero. Repeto igitur ac omnimodè inculco, gaudium spirituale aliud non esse, nisi spirituales voluntatis quietem in re, quam actualiter amat.

6. Interim non abnuo sensibile gaudium (semper tamen cum addito, ut sit

moderatum ducere & conducere posse ad spirituale, & ob hanc rationem non bene agunt; qui illud totaliter excludere nituntur de bonis suis actionibus, dicendo, hoc non bene agi cardinem præsentis negotii. Utantur tantum hujusmodi frænâ discretionis & prudentiæ, ne quid nimis studeant punctum hoc ad profectum suum dirigere, prout oportet, & salva res erit.

7. *Sponsa.* Profectò Domine mi, totum, quod percepi à te, multum mihi luminis præstat. Ex hoc jam intelligo, magnam & pretiosam fuisse gratiam, quoties mihi in oratione sine ullis meritis meis similem quietem, etiam non intelligenti aut æstimanti, gratiosè concessisti. Adverto etiam, orationem meam à potiori hacce in quiete consistere, & hoc gaudio redundare, quando scilicet voluntas mea jubilat & exultat in te ac de te sine strepitu, sine tumultu imaginum ac cogitationum, quas potius mihi obesse, quàm prodesse sæpius notavi. Quoniam fides sacrosancta longè altiora mihi de te, Sponse mi dilectissime, suggerit, quàm ulla angelica aut humana ratio, aut quævis creatura possit imprimere in cælo & in terra.

8. *Spon-*



8. *Sponsus*. Sciebam utique, te incedere per viam recollectionis, quietis, & delectationis, quam hauriebas ex me, non quidem cum tanta æstimatione, quam illa merebatur; placebat tamen videre te anxiam ac sollicitam, ne fortè tempus orationis tali modò inutiliter transigeres, quod aliàs multis intellectûs discursibus ac meditationibus infumere solebas, ac etiam ab aliis sic fieri audiebas. Verumtamen non affligas te hac super re, de qua potius gaudere quàm dolere deberes, quia incomparabiliter melior est oratio internæ recollectionis & quietis, quàm meditationis & discursûs, cum hæc plus non sit, quàm via ad illam, veluti ad terminum. Hic est ille somnus, quem tanta curâ curo & procuro inter Sponsas meas, dilectas meas, adjurans Filias Jerusalem (cogitationes nempe, discursus intellectûs, ac sensuum operationes) per carpreas cervôsque camporum, ne inquietent, aut fuscitent eas, quoadusque ipsæ velint.

9. Ceterùm ad hanc pacem, quietem, ejusque fruitionem dulcissimam non facit quidquam magis, quàm studium S.

solitudinis; hanc autem gratiam singularissimam donô meo jam diu experiris in te. Quid enim est illa creaturarum, quantumvis sanctarum, fuga, quæ obicem in *salutari hoc exercitio* ponere possunt? quid illud frequens desiderium, quid jugis illa aspiratio ad solitudinem? & meritò affectas mediante hacce recollectione commercium cum Sponso tuo, sicque sola cum Solo, quia nunquam minùs sola es, quàm si sola tecum, & in mea societate es. Igitur cave tibi omnibus modis, ne aliquando tragicum illud adagium verificetur de te, *Non cognoscitur, nec æstimatur bonum, nisi postquam est perditum*; perdes autem & tu absque dubio pretiosum hunc orationis thesaurum, ac solitudinis desiderium, quando juxta dignitatem suam non magnificas, anteponendo omnibus occupationibus, ad quas vis obedientiæ non adstringit.

10. *Sponsa*. Heu quanto terrore percellunt verba hæc tua mentem meam o dilectissime Sponse! Ex nunc propono firmissimè habendi in majori, quàm hætenus pretio, geminam hanc gratiam tuam, quatenus cum omni veritate semper dicere  
pos-

possim dilectus meus mihi, & ego illi. . 1.) Interim satis instructa sum circa delectationem & spiritualem, & sensualem. Sed dic amabo clarius, in quo consistat cibus parvulorum & lactentium, atque cibus adultorum & fortium? ut in exercitatione meâ illo pasci ac nutriri incipiam.

11. *Sponsus*. Omnis sit honor & gloria Patri misericordiarum, ac Patri luminum, qui talia vota tibi suggerit; Ille te conservet ac perficiat, ut mediantibus illis crescas, & mercedem plenam, ac cogitam recipias. Quantum verò ad quæsitâ, nosse te decet, cibum hîc parvulorum & lactentium alium non esse, præter sensibiles consolationes & delectationes, quas in principio conversionis ac amicitiae meæ, animæ lactis adinstar (quia ad majora inhabili) soleo instillare, & sæpe etiam existenti in gravi peccato, adeoque necdum me super omnia amanti.

12. Insuper ad seriem cibi parvulorum & lactis pertinent revelationes, visiones, raptus, cognitio ac discretio spirituum, ceteræque *gratiæ gratis datæ*, pertinentes ad intellectum, & ab Apostolo meo scribente ad Corinthios enumeratæ 2), necdumque



dūmque peccatum mortale excludentes. Ista sese in pretio habuisse confitetur, quamdiu erat parvulus, recenter ad Deum conversus. Accipe propria ipsius verba: „Cum essem parvulus, ait, sapiebam ut „parvulus, cogitabam ut parvulus, propheta-  
bam ut parvulus. „ Ita omninò, habebat revelationes, visiones ac raptus ut parvulus, & quidem in tanta copia, ut per tres continuos dies pleno ore abundantissimè de huiusmodi lacte gustans, raptus sit ad tertium usque cœlum. . 3. ) Unde necesse fuit amoveri eum ab ubere, ne nimium sese ingurgitaret. Dictum, factum, locò dulcedinis appositus est illi calix plenus amaritudinis, qui fuit, ipsomet teste, stimulus carnis & Angelus Sathanæ, à quo taliter afflictus est, & exagitatus, ut ad modum infantis in die ablactationis suæ amarissimè flens, regressum ad priores dulcedines & consolationes importunis clamoribus ac precibus sollicitaret. Sed ego, sciens quid ei expediat, negavi misericorditer, & repulsam dedi, ne immodicus ad lactis escam pruritus incauto noceret, ac fortè omninò necaret, id est, ne spiritu inflaretur super-



superbiæ, & creparet medius. Et hoc est illud periculum, quod ejusmodi lactis dulcedinem comitatur, & cibum parvulorum; per indiscretum siquidem ejus usum redduntur molles, & ad internecionem usque non raro per superbiam inflantur, & intumescunt.

13. Quando autem cum ætate crevit in virtute, quando jam dentatus, factus est idoneus, masticandi cibum solidum (crucem inteilige & omnimodam tribulationem) prout dixi ad servum meum Ananiam 4], tunc continuo respuit ipsemet ejusmodi cibum parvulorum, totóque meliori appetitu suo conversus est ad cibum adultorum, ac fortium virorum. Unde glorians in Domino mensam, simili ciborum apparatu instructissimam, ostentat Corinthiis 5], in qua jucundatur in amaro scilicet sapore tribulationis, angustiae, persecutionis, in labore omnis ariditatis Patientiae, amaritudinis & charitatis. Ecce cibos virorum fortium: isti cum mortali offensa nulla ratione stare possunt. Hucusque tibi exposui, quales consolationes, gaudia & dulcedines quærere, & eligere te convenit, tanquam cibos salutare; in  
fe-

sequentibus verò tibi viam excellentiorem ostendam, si ex toto corde te mihi resignaveris. Ego te pascam singulis horis talibus escis, quæ profectum tuum indies mirifice augebunt; aperi os tuum cum omni humilitate, & implebo illud.

1) Cantic. 2. 16. 2) 1 ad Corinth. 12.

3) Act. 9. 9. 4) Act. 9. 16. 5) 2 ad

Cor. 12. *dic. ihu. dicit. dicit. dicit. dicit.*

### SOLILOQUIUM III.

In quo ostenditur quid sit oratio  
quietis, ejusque proprietates ac nomi-  
na quæ sustinet.

#### 1. Sponsa.

**O** Dulcissime JEsu, Sponse, & Domine mi dilectissime quanta consolatione consolatus es me, in ostendendo apertè, quòd sola delectatio ac consolatio spiritualis, & non sensibilis aut sensualis sit Regula manifesta bonitatis & malitiæ actionis meæ. Igitur nulla impofterum turba, pessimarum licet cogitationum, nulla vis pestilentissimarum tentationum nec mini-



minimam dabunt pœnam, si nulla voluntaria complacentia mihi per tuam diminabitur gratiam. Econtrà, si me plenam sensero bonis ac sanctis cogitationibus, pacem & quietem post se relinquentibus, gaudebo & exultabo in te, quia gaudium istud spiritale manifestum est signum præsentis gratiæ tuæ, quæ mihi donatur à te. Hac sola mensurâ amodò mensurabo vitam meam, actionesque meas, quæcunque illæ fuerint, regulabo.

2. Insuper dedisti lumen mihi, quo cognoscam discrimen inter utramque, & parvulorum & adultorum escam: seu incipientium tyronum & adultorum, (imò & perfectorum) distantiam. Sed quæso, dignare amplius loqui circa hæc mysteria, quoniam tanto magis te de illis fusè & clarè loquentem audire delectat, quanto magis agnosco absque ullis meritis meis, & ex sola misericordia tua me in hac orandi methodo versari. Ibi enim exulto & júbilo in te, ibi dulciter & fruibiliter quiesco in te. Loquere ergo Domine, ecce audit Ancilla tua, & videt totum orationis, discursus ac meditationis exercitium

citium ordinari ad orationem quietis, tanquam ad finem, ad scopum, & terminum.

3. *Sponsus*. Libenter aquiesco petitioni tuæ, quia ex hisce desideriis tuis jam in vestitura spiritûs mei sese monstrat in te. Proinde ante omnia notes velim, contemplationem, ejusque finem in eo principaliter consistere, ut cognoscas clarâ, & (quantum fides permittit) pura visione essentiam meam, potentiam, sapientiam, majestatem ac pulchritudinem meam, cum ceteris attributis & perfectionibus meis, amorosè quiescendo in suavissima unione Spiritûs tui cum spiritu meo. Et hæc omnia summa cum admiratione, sacro stupore, & fortissimo amore, prout & ipsa experientia jam aliquoties te docuit. Quò enim vehementior & ardentior amor erit, eò etiam majorem unionem causabit tam in hac, quàm in altera vita. Nam juxtà mensuram amoris, erit & mensura gratiæ, gloriæ, & unionis.

4. *Sponsa*. Bene comprehendo, in quo sita sit vera contemplatio, sed qualiter anima mea ad statum tam sublimem possit pertingere, non ita, nisi tu, ô dulcissime



cissime Magister ! ô Veritas incarnata !  
ostenderis mihi.

5. *Sponsus*. Iterum quæris, quod jam possides, si bene te ipsam nosles. Modus igitur, quo anima ad contemplationem se accingere debet, est totalis oblivio tam cælestium, quàm terrestrium creaturarum omnium, cum interdicto omnis discursus intellectus, qui locum hîc penitus non habet, sed sola visio (quantum fas est) essentiae bonitatis, majestatis, & pulchritudinis meae, cum ineffabili amoris intensissimi suavitate, gaudendo, fruendo, quiescendo in me. Id autem, quod à multis dicitur oblivio totius creaturae, ab aliis nominatur recollectio ad intrà totalis animae in semetipsam : quando videlicet omnes cogitationes & desideria, quæ prius in varias res & objecta fuere dispersa, congregat & colligit in se ad me, cum summo actuali amore, desiderio, & gaudio, quiescendo super omnia in me.

6. Etiam silentium spirituale appellatur dicta oblivio, quoniam cogitare & reflectere modò ad hæc, modò ad illa, hoc totum in anima tua nihil est aliud, quàm loqui & discurrere. Proinde quando  
C illa

illa cessat ab omni cogitatione & discursu etiam interno, simplici intuitu attendendo ad me solum, tunc in hoc sacro absorpta hæret silentio.

7. Tandem dicitur etiam oblivio hæc, cessatio, & quasi seriatio intellectûs ac memoriæ ab omni operatione, nihil prorsus cogitando de ulla creatura, nisi de solo Creatore. Ego ego sum solus objectum beatificum, & meta potentiarum tuarum. Quodsi fortè audisti, oblivionem prædictam dici actum voluntatis: hoc non ideò, quasi intellectus tunc non intelligat, sed quia simplici apprehensione & obtutu fertur in me, & ex hoc voluntas continuò ardet, & amat me, quia nemo potest amare id, quod non intelligit. Ex quo sequitur, amorem tuum semper associatam sibi habere cognitionem summæ & infinitæ bonitatis meæ.

8. In modò relatis stat oratio quietis, silentii, & recollectionis: & hanc de factò possides, & possidebis, quamdiu tibi à negligentia, ingratitude, & superbia cavebis, tunc nec auferetur à te in æternum, quia scriptum est: *Charitas nunquam excidit* 1). Hanc partem elegit sibi

Maria



Maria, quæ figuram contemplationis in se exprimit: Hæc non auferetur ab ea in æternum 2). Custodi igitur omni curâ pretiosissimam hanc margaritam, non cuique obvio à me concessam. Profectò nobilissimum, suavissimum, & prorsus divinum illius est exercitium: quia caret omni discursu intellectûs, & ideò non fatigat, nec tædium generat, potestque anima tua longo tempore illâ gaudere, maximè si humanitatem meam jungas tibi sociam. Sic poteris in otio sancto sedere cum Maria ad pedes meos, ac videre & gustare, quàm suavis sit Dominus: vel delectari de infantia mea amabilissima, illa te docebit esse parvulam & humilem in oculis tuis cum parvulis 3), quia his promisi Regnum meum.

- 1) 1. ad Cor. 13. 8. 2) Luc. 10. 42. 3) Marc. 10. 14.



## SOLILOQUIUM IV.

De quinque spinarum & impedimentorum generibus, quarum aliquæ impediunt orationem quietis, aliæ impellunt ad illam.

1. *Sponsus.*

**P**Lus ego, ô Sponsa mea! te amo, quàm pupillam oculi mei, imò plus, quàm ipsam vitam meam, quia & hanc dedi pro te; oportet ergò latos semper & amorfos obtutus te per contemplationem convertere, & figere in me. Nec hoc tu viribus tuis referas in acceptis, sed gratiæ meæ, quæ te juxtà vota tua valde purificat & dealbat; alioquin non pateret tibi accessus ad me. Manet enim fixum, ratumque, quod dudum dixi in Evangelio meo 1): *Beati mundo corde, quoniam ipsi Deum videbunt.* Nam solùm ornati veste nupt ali, seù bysso omnigenæ puritatis admittuntur ad cælestes nuptias 2), clausâ manente januâ, omnibus maculosis, coinquinatis, & quibusvis imperfectis. In gratiam proinde ineffabilis (quo in te feror) amoris, quo tuum nunquam non zelo pro-



perfectum in omni virtute, & incrementum in recollectionis, quietisque, (quam indulgi) oratione, asperiori non nihil admonitione tecum agam, spinasque, quæ tuam quandoque recollectionem, ac quietem internam impediunt, ac perturbant, ob oculos ponam. Converte te ad patientiam, quia hoc totum, tuum tendit in bonum, ac cautelam.

1) Matth. 5. 8. 2) Apoc. 21. 27.

### PRIMA SPINARUM CLASSIS.

De superfluis curis, quantumvis bonis, orationem interturbantibus, ac per solam erga Confessarios obedientiam & humilitatem sanabilibus.

2. *Sponsus.* Et quandò tandem penetrabis, curas nimias ac superfluas aliud nihil esse, nisi spinas suffocantes in anima tua, gloriosum ac pretiosum semen quietis, & internæ recollectionis? Usquequò non capis, excessivas hæc sollicitudines [etsi per gratiam meam minimè sint circa temporalia, nec circa carnem & sanguinem, quales plurimas invenire est in personis sæcularibus] idèò reprehensibiles, quia vitiosas, in te existere? Pius æquò  
C 3                      liqui-

siquidem affectas & desideras, quantocyùs valdè spiritualis, pura, & sancta esse. Ecce mala sunt hæc omnia desideria, quia nimia, quia sensualia. Si non cognoscis, latentes hosce sub ovina pelle lupos 1), oblierva pedes eorum, id est, effectus & impressiones, quas relinquunt post se.

3. Vide & attende, qualiter minuant recollectionem, pacem, ac quietem animæ tuæ, quæ omnia sunt grande bonum, & tale, quòd, ad illud mundo prædicandum, cælestem etiam musicam adhibuerim in nocte Nativitatis meæ; & quid cantabant, nisi *pax in terra hominibus bonæ voluntatis* 2)? Idipsum repetii in ultima Cœna, recessurus ex hoc mundo, dicens: *Pacem meam relinquo vobis, pacem meam do vobis* 3), quoniam in ipsa habitatio mea, juxta illud: *Erit in pace locus ejus* 4).

4. Profectò nimia hæc sollicitudo tua infidelem te probat, ac rebellem Patri tuo spirituali, consequenter & mihi, cujus vices ille agit; & hoc etiam, postquam toties audisti: *Qui vos audit, me audit; & qui vos spernit, me spernit* 5). Scrutate tandem radicem inquietudinis tuæ, & expe-





experiēre, illam non esse aliam, quā defectum humilitatis; & [ut clarē dicam] superbiam, amorēque proprium, quæ instanter exigunt, omnia fieri secundū genium & beneplacitum suum, seu proprium amorem tuum.

5. Quod autem defectus sit humilitatis, apertē constat, quia justior esse appetis illis, de quibus testificatus sum, quod *septies in die cadat Justus* 6). Ipsi pro talibus [id est, fragilibus] se agnoscunt, uti & ab aliis agnoscuntur, propter quod sese humiliant, & humiliari desiderant. Tu econtrā non vis te agnoscere, nec humiliare: min⁹ agnosci, & humiliari. Sed audi, quid dicat Scriptura 7): *Noli esse justus multū, ne obstupešcas in justitia tua.* Ecce, talis videtur esse justitia tua, & non mea, quæ nulli partium facit injuriam; tua verò solū intenta est ad pacem tuam, ad interesse proprium tuum, faciens te timere, ubi nulla ratio timendi 8). Sed tali modō procedendi elongas te à me, tradens te inimicis & meis, & tuis, auferens lumen animæ tuæ, precipitando te in tenebras, turbationēque mentis tuæ, ut probes veritatem illius

proverbii 9]: *Summa justitia, summa iniustitia est, & crudelitas*; & talis pœna jure debetur tali culpæ.

6. Oportet proinde te humilem esse usquequaque, & non præsumere tanta de te. Disce eruere humilitatem ex tuis defectibus, & non amaritudinem & perturbationem, quibus me amplius offendis, quàm ipsismet tuis defectibûs; nam isti quandoque exigui sunt, & quasi nullius momenti; jactura autem pacis internæ semper magni momenti est. Putasne bonam hanc esse justitiam? erras. certè multum. Nam ut evites defectum modicum, cadis in magnum, & dum niteris tuam purificare animam, maculas, & coinquinas eam; nam inquietudo interna est vera coinquinatio, magnâque miseria contradicens, & opposita è diametro veræ felicitati, quæ amatoribus pacis promissa dudum est 10], & quam quærere te oportet, donec invenias eam.

7. Quodsi respondes, te non ita turbari ob defectus, erroresque præîentes, quàm ob antiquos & præteritos; scias, te neque propter illos, neque propter istos debere turbari: potius convenit te confugere



fugere ad bona proposita, ac salutare determinationes, & reddere illas efficaces. Noli fidere memoriæ tuæ, quæ infirma est, & defectibilis, & ideò nullam ei adhibeas fidem; quia, quod heri dixit aut fecit, hodie non recordabitur amplius, quid de tantis retroactis annis fiet? Neque tuo credas intellectui, nullique disputationi te cum illo committas, num sis in statu peccati, nec ne; quia excæcatur excessivo timore, de cæco autem rationes non nisi cæcas sperare licebit: sicque pro luce, quâ prius fruebaris, in tenebras offendes.

8. Omnibus his unico finem dabis ictu, si fueris humilis, per omnia subjecta, & obsequens Confessarii tui consiliis. Stude in continuam praxin deducere proficuum illud S. Pauli exercitium [11], & quæ retrò, seu præterita sunt, obliviscens, totâ sollicitudine se extendere ad fugam omnis culpæ, & acquisitionem virtutis heroicæ. Quid juvat, téque, tempusque solitudinis, consumere vanis speculationibus, quæ modò memoria, modò intellectus repræsentant de transacta vita tua: cum tamen apud me in oblivione sepulta  
C 5 jam

jam sint; post dolorem enim peccatoris, post culparum confessionem, ego non recordor earum amplius 12]. Ne inferas, te haud esse securam, num habueris aliquando sufficientem dolorem, sed solum credere, te habuisse, & sic audiisse à Confessario: Acquiesce; quod plus est, superbia est; defectus fidei & humilitatis est, nolle consentire, nolle acquiescere.

9. *Sponsa.* O dulcissime, & super omnia amabilissime JEsu! tu es verè incarnata Sapiencia, tu Veritas summa & increata, & ideò sequar per omnia ductricem manum tuam. En statuo flocci faciendi omnes phantasticas intellectûs ac memoriæ suggestiones, ac pro clara, diabolicâque tentatione habendi, quidquid turbat pacem aut quietem animæ meæ, præsertim cùm videam idipsum esse bene placitum tuum, quo nihil magis desidero.

- 1) Luc. 2. 14. 2) Joan. 14. 27. 3) Luc. 10. 16. 4) Prov. 24. 16. 5) Ps. 75. 3. 6) Luc. 10. 16. 7) Prov. 24. 16. 8) Eccles. 7. 17. 9) Matth. 5. 9. 10) ad Phil. 3. 13. 11) Ezech. 18. 22. 12) Eccles. 7. 17.



## SECUNDA SPINARUM CLASSIS.

De S. Communione nunquam intermit-  
tenda ob scrupulorum vexationes : de reme-  
diis contra peccata venialia, ubi non est Con-  
fessarii copia : & de cavenda Commu-  
nionem in peccato veniali : de præ-  
senti volito, & actuali.

10. *Sponsus.* Necdum finis spinarum  
tuarum, filia mea. Dantur adhuc aliæ,  
non minùs dolorosæ ac perniciosæ prio-  
ribus. Tollunt enim, sicut istæ, pacem;  
ita illæ mensam Eucharisticam, sacrâmque  
Communionem ob dubiorum anxietatem,  
disceptantibus inter se cogitationibûs tuis,  
num dignè, vel indignè accedas ad illam :  
num non melius sit remanere, quàm ac-  
cedere? Hæc, ut paucis expediam, dico,  
accede ad S. Communionem, quandò ju-  
bet, qui jubendi potestatem habet, sive  
sit Prælati, sive Confessarius tuus ; &  
crede te ita accedere, prout ego volo,  
& desidero, hoc est, sine remorsu alicu-  
jus gravioris peccati, per confessionem  
nunquam expiati, juxtà verba Apostoli  
mei 1), ac Concilii ; quantum ad venia-  
lia præterita, illa non obstant, possint-  
que per eandem S. Communionem, vel  
dolo-

dolorem, si Confessarius non sit ad manum, de facili deleri. Depone igitur scrupulos, & noli perdere nec tempus, nec occasionem recipiendi Sponsum tuum, nullâque ratione permittas ob leves defectus ab illo te arceri. Utere potius remediis, quæ ego per Ecclesiam meam tibi suggesti, qualia sunt, aquâ se aspergere lustrali cum signo Crucis, percutere cum dolore pectus &c.; & sic accede, & videbis, quàm bene tibi res succedet. Cave autem peccata venialia de præsentis, & actualia; hæc enim sunt damnifera.

11. *Sponsa*. Bonum consilium, dignum sanè omni acceptione; quoties enim probavi, toties mihi proficuum sensi. Hoc unum non capio, quid sit veniale actuale seu de præsentis, & quid veniale de præterito.

12. *Sponsus*. Dico tibi sine mora, Sponsa mea! veniale de præterito esse, quod v. g. heri, vel etiam hodie ante S. Communionem commisisti. Veniale de præsentis est, de quo habes actualem intentionem, & voluntatem hîc & nunc committendi illud, v. g. dicendi mendacium, texendi vanum discursum, & similia,



lia, si sunt etiamnum recenti adhuc in conscientia tua, nec per dolorem retractata. Verum quidem est, quod non impediant gratiam habitualement, nec illius augmentum: impediunt tamen actualement, id quod est damnum non modicum. Insuper erit & audacia grandis, & defectus reverentiæ, timorisque filialis non modicus. Hanc igitur ob causam, & ob talem circumstantiam noli frequentare mensam meam: displicet enim valde hæc præsumptio. De præteritis autem fac, sicut dixi, & noli aurem præbere aliis opinionum turbis, alioquin senties cum quietis, pacisque internæ dispendio continuas spinarum istarum puncturas, perdésque unà cum gratiæ, ac *perfectionis* incremento plures sacras Communiones.

1) 1. ad Cor. 11. 29.

### TER'TIA SPINARUM CLASSIS.

De afflictione animæ, quando de exercitiis vitæ contemplativæ trahitur ad occupationes, & exercitia vitæ activæ, & qualiter se debeat habere in illis.

13. *Sponsus*. Postquam actum est de spinis, interturbantibus pacem animi, & quie-



quietem recessûs tui, ad alias jam digredior, nempe ad multiplicem afflictionem, quam sustines ingemiscens, te toties transferri de via, & vita contemplativa ad vitam laboriosam, & activam. Ex his spinis germinantur aliæ atque aliæ, dubia videlicet diversa, num hæc sentimenta, & afflictiones sint malæ, sint imperfectiones, nec ne? verûmtamen non adeò te torquerent, si recogitares ad toties dicta, & repetita, nempe ad contemplativam, tua stare debere desideria; ad activam autem, ejusque negotia, & incommoda aliud remedium non est, quàm patientia. Pulchritudo Rachaëlis, & otium Mariæ [utî adverto] magis arriderent tibi, quàm Mandragoræ lippientis illius Liæ; & non abs re; majoris namque meriti est contemplatio, quàm actio: bene ergo, & laudabiliter ex parte facis, huic illam præferendo.

14. Attamen, licet hæc ita se habeant, potest nihilominus sese quandòque offerre casus, ubi actio melior est, quàm contemplatio. Hoc verò tunc solùm, quandò vel charitas, vel obedientia, vel etiam necessitas ad tempus te occupant in  
exter-





externis. Sed ecce opportunum in arena consilium. In mediis occupationibus externis noli oblivisci [ quantum possibile est ] præsentia Dei, & contemplationis. Hoc facto, anima non tantum occupatur in vita contemplativa, quæ solummodo pars est vitæ Christianæ, nec tantum in activa, quæ altera pars est, sed in tota quanta ex utraque composita; totum autem semper melius est quâvis suarum partium.

15. Hinc debuisses dudum notâsse, quod ego non dixerim, Maria totam elegit vitam Christianam, sed meliorem, ex hac tota, partem, quæ utique est contemplatio; quoniam ex duobus bonis semper melius eligendum est, quando utrumque simul haberi non potest, prout in te etiamnum contingit, quæ non adeo adulta existis in virtute.

16. Exceptis dictis casibus obedientia, charitatis, ac necessitatis, pro tua parte semper melius est, insistere vitæ contemplativæ, quàm activæ. Ideoque suadeo tibi, ut illi te addicere velis, quantum tibi possibile erit, nisi una ex dictis rationibus obstet, quâ præsentem vim tibi inferas, contemplationem eo, quo dictum, modo



modo nonnihil seponas ; nam secûs faciens , non parûm te perdere scias.

17. *Sponsa*. Non potest nisi optima esse hæc Domini mei doctrina : jam informari obsecro de illa afflictione , quæ irruit in me , quoties aliquid occurrit , quod me in contemplatione mea impedit : quia verò insuper hoc intimè sentio , ideò rogo , an hoc laudabile , an vituperabile , an bonum , vel malum sit ? præsertim , quia sæpe de novo affligor ex eo , quòd afflicta sum ex timore , & suspicione , ne fortè & ipsissima hæc afflictio sit defectus mortificationis , & perfectionis.

18. *Sponsus*. valdè oculata , & arguta es in rebus tuis , Sponsa mea , id quod mihi non parûm placet de te. Assécuro te igitur , non malam , sed bonam esse hujusmodi afflictionem , & tristitiam ; ratio est , quia similis actus obedientiæ , mortificationis , & patientiæ toties exercitat servos meos , quoties de contemplatione transferuntur ad actionem. Scio utique , Novitios in spiritu , & incipientes [quorum & tu auges numerum] talem privationem ægerrimè , gravitèrque sustinere , quod proficientes parûm sentiunt ;  
per-

perfecti autem insuper gaudent, quasi in favum mellis offendissent. Inter hæc primum sentimentum bonum est, utpote signum animæ ad meliora affectionatæ, quale est contemplatio respectu actionis. Secundum verò melius est, si cum discretionem fiat, cujus est attendere ad circumstantias, & accurrere juxta rerum exigentias, tertium verò præripit cæteris palmam, quia sibi complacere, & in similibus gaudere superlativum meretur, tanquam evidens nota veræ perfectionis, exequendo semper id, quod melius, & convenientius judicatur. Exemplum habes in Matre mea & ejus festinatione I], ipsa lætanter charitati posthabuit dulcissimam suam solitudinem, & altissimam contemplationem. Quando non solum visitavit, sed & tanto tempore inserviit Cognatæ suæ Eli abeth.

19. *Sponsa.* Quantum intellexi, pro-ut & jam sæpius mihi inculcasti, ista afflictio, iste dolor, hæc tristitia non fuere mala, sed bona in me. Verum, est ne melius carere quàm habere? & adhuc melius, de illis gaudere?

20. *Sponsus.* Verum est, me tibi frequenter unum dixisse, & alterum tacuisse, quia non poteras portare, nolui tibi ante tempus revelare. Novi utique desideria tua, novi quanto spiritu anheles ad perfectionem, & hoc ipsum in causa fuit, ut illa te celarem, nolens augere tristitiam tuam, ne augeretur amplius, sed sine effectu, desiderium tuum; soror enim parvula adhuc eras, & junior in schola mea, cui non profuisset intensior tristitia, quæ nihil aliud est, quàm desiderium sine satisfactione, quia non impletum. Modò autem dolor iste est de importantia non exigua, saltem ad hoc, ut ad declinandum illum, ferventiùs insistas contemplationi, recessui, & recollectioni: in his volo, ut firmum ac stabile jacias fundamentum. Ex hoc enim sine vocata es ad S. Religionem. Id quod non assequeris absque illo dolore, sine quo excessivè occupationibus externis, & vitæ activæ indulgissem, non sine præjudicio vitæ contemplativæ & dispendio.

21. Jam superest, ut ipsissimum hunc dolorem & tristitiam [quoad auferatur à te] permagni facias, cum omni patientia



rientia illam supportando. Quia juvat & impellit te ad altiore contemplationem, quæ tenera satis adhuc in te. Postquam autem videro, ipsam altiores radices ac firmam fixisse sedem, tunc reducam te ad vitam activam absque eo, quod perdas contemplativam. Et tunc cum gaudio & læticia multa exercebis illam. Qualem experta est Mater mea in visitationis suæ labore, ac diuturno, eoque sedulo suæ cognatæ servitio.

22. Eja igitur, prosequere assidue pretiosum contemplationis studium: supporta cum omni sufferentia tædium ac dolorem, quem impedimenta, te ab illa avertentia ac turbantia, causant. Cætera omnia meæ commite curæ, ego adducam tempus, in quo omnis dolor & tristitia convertentur in gaudium, ac perpetuum Alleluja.

23. Ne autem vita activa molesta tibi nimis accidat, activa inquam, consistens in operibus misericordiæ, neque ex aversione te in illa à me occupari existimes, propterea invigilabo, ut modò in Infirmaria, aut in Coquina, vel in Portaria, vel in Sacristia occuperis. Hoc tamen ad tuum aliquale addam solatium,

D 2

quòd

quodd scilicet maximum contemplationis  
quietisque impedimentum non nisi amor  
proprius sit, & immortificatæ passiones  
tuæ, quæ mortificandæ restant per vitam  
activam, postquam autem fuerint satis  
mortificatæ, tunc magis libera, & vivax  
evadet contemplatio tua. Interim Martha  
ut bona Soror, suam adjuvabit Mariam.

24. *Sponsa.* O quàm gustosa est pa-  
lato meo hæc, Sponse dilectissime, lectio  
tua! Ecce me totam paratam ad quævis  
vitæ activæ [ quam ex nunc desidero, &  
amo ] incommoda & exercitia.

25. *Sponsus.* Jam iterum excedis;  
nescis, quia omne, quod est nimium, ver-  
titur in vitium. Ideoque in sensu meo,  
non tuo dicta accipias. Omnia tempus  
habent, ad opportunitatem temporis in  
omnibus te volo attendere. Si enim ego  
sic facio, quanto magis te hoc facere con-  
venit. Sit ergò tibi pro regula generali,  
maneas solitaria in cella tua, die ac nocte  
occupata in contemplatione, juxtà præ-  
scriptum Regulæ tuæ, nisi justa causa inde  
avoceris. Hæc autem non est alia, nisi  
charitas, obedientia, vel necessitas. No-  
lo autem constituere te judicem super hæc,  
sed



sed hoc soli Confessario, vel Superiori tuo competit. Ipsorum est, discernere inter necessitatem & necessitatem; non enim quælibet imaginaria, aut quàm tuum excogitat capricium, sufficiens titulus est, interruptendi recollectionem tuam. Hæc observando, satisfacies duplici obligationi. Ibuntque suaviter semper associatæ contemplatio & actio, quasi Germanæ Sorores cum multo proventu tuo, & magna gloria mea.

1). Luc. 2. 39.

#### QUARTA SPINARUM CLASSIS.

De gravi tribulatione animæ ob absentiam dilectissimi Sponsi sui, quem erroneè credit, nescio quantum, distare à se, nec sua contemplatione Illum attingere posse, & de remediis contrà illam, quæ sunt humilitas, & resignatio.

26. *Sponsus*. Sicut vehementer desidero terram cordis tui purgatam ac immunem de præcedentibus spinis. Ita repletam, imò & vulneratam de præsentibus. Istæ, ô filia! sunt rectissima, securissima, ac brevissima semita; sunt via regia, via compendii, & non est altera

huic similis, ductrix est fidelissima ad optatam perfectionem. Intellige. Contingit enim non rarò, quòd anima ad seipsam conversa, videatur sibi tota quanta solitaria & separata, privatáque omni actuali & amorosa contemplatione seu præsentia dilectissimi Sponsi sui, quo adeò sensibili, adeò vivo, penetrante, ac intenso fauciatur dolore, quòd existimet se de facto vivere in inferno. Ubi summa & prima pæna nequaquam est pæna sensûs, sed pæna damni, sive separatio totalis & amarissima à me summo Bono. Et ipsissimo hoc medio disponitur anima ad recipiendam majorum gratiarum abundantiam, sicut illæ purgatorii purificantur, ad majorem gloriam. Nonne jam probasti, quàm immensum & ineffabile similis dolor accendat in te desiderium gratiæ ac præsentiæ meæ? Quod, quò majus, eò & melius. Nam Beati 1), qui siti gratiæ meæ æstuant & ardent, quoniam saturabuntur.

27. Ut autem ampliùs crescat in te ejusmodi desiderium, simulo me non audire te, dando repulsas super repulsas, quasi alteri Chananeæ. Ita ut in sententiam abeas, te à gratia mea penitus esse de-





derelictam. Unde fit, quòd demergaris in abyſſo ſummæ triftitiæ, inopifque omnis confilii nescias, quid facias? præcipitare te in desperationem non audes, quia omnem, vel minimam, offenfam mei maximè horres, & copiam mei aſſequi non vales, quoniam tenebræ obnubliant Solem, Luménque tuum. Quòd modò remedium contrà iſtas intollerabiles ſpinarum plagas? Non eſt aliud, niſi ut humilis te, agnoſcásque vilitatem, ac defectum meritorum tuorum, reſignando voluntatem tuam per omnia in meam, ſuſtinendi hoc tormenti genus per omnem vitam totámque æternitatem, ſi dulciſſimæ diſpoſitioni meæ ita placuerit. Et hoc eſt, quod unicè deſidero, & amo in te. Scis utique, ſi generoſè ſuſtines, abnegando te, ac reſignando beneplacito voluntatis meæ, ſcis, qualiter ſubitò, ac momentò citiùs immerſam [ ſed quomodo ignaram ] te ſæpè videas in abyſſo divinitatis meæ, ita ut quaſi nihil ampliùs invenias de te.

28. *Sponſa.* Domine, & Sponſe mi dilectiſſime, optimè declaravi id, quod multoties contingit in me, nescivit anima

mea viam hanc adeò cælestem, & sublimem, tibi tam gloriosam, mihi autem adeò esse proficuum. Fiat semper, quod bonum est in oculis tuis, mihi interim satis est nosse per te, qualiter in futurum, quoad similes casus me habere debeam.

1. Matth. s. 6.

### QUINTA SPINARUM CLASSIS.

De mortalibus angustiiis & anxietatibus animæ ampliùs cognoscendi, gaudendi, & fruendi summo Bono. Quod quia ad plenum non datur, consumit se, & consummatur. Finaliter reducuntur ad quatuor puncta, quæ toto hocce Soliloquio disputata sunt.

29. *Sponsus.* Spiritus meus, ô filia mea, ineffabiliter exultat, videns tam bonum sortiri successum omnia illa, quæ placent in conspectu meo. Propterea ampliùs penetrabo intereriores tua, ibique tibi revelabo aliam spinarum speciem prioribus non minùs pretiosam & spiritualem. Sunt autem illæ [si bene reflectis] mortales quædam angustia & anxietates intelligendi, gaudendi, fruendique semper magis magisque, quàm hactenus experta  
es,



es, Dilectô tuo. Imò in tantum intenduntur ejusmodi gloriosæ, ac dulcissimè pœnosæ agonis essendi mecum, & videndi faciem meam, ut in ultimo mortis articulo te constitutam, continuoque exanimandam [ sicuti nuper factum est ] tibi videaris. Ecce Ego ipse sum, qui promoveo hanc pœnam, flammis addendo flammis; gaudens ultrà modum, te videre sic pugnantem, & tamen non vincentem, uti velles.

30. Sed niteris in vetitum, Filia mea. Nam nosse te oportet, nulli mortalium de lege ordinaria concessum, videndi Essentiam meam prout est in se, absque dispendio vitæ. Et hoc responsum regulare olim similia, Moy sis servi mei, vota [ ], siquidem tanta, tamque ineffabilis est majestas & gloria, ut cor humanum ferendo gaudio tam excessivo usque quaque impar, primo in affectu dissiliret, vitamque unà cum gaudio terminaret. Attamen jam audio & video cor tuum & cogitationes tuas, dicentes: O me felicem, si talis fors, ac tam beata mors contingeret! & certè ita res se habet; ast Ego aliter & suaviter omnia dispono, Mèque per figuras ac supernaturales animæ [ quam dili-

gentem diligo ] monstro similitudines. Quæ inesse repræsentativo me totum minimè repræsentant. Ego enim sum, qui sum, infinito excessu major omnibûs illis simul sumptis. Has ego mediante fide & gratia mea pono in anima, adeò admirabiles & divinas, ut per ea satis cognoscere valeat me infinitè suavem, bonum, speciosum, æternum, gloriosum, omnipotentem, omniâque replentem. Tunc cognoscit anima me lumen super omne lumen, omnibus præsentissimum, essentiam super omnem essentiam, omnia in suo esse conservantem ac gubernantem; cognoscit denique me Pelagus infinitarum perfectionum in infinitum perfectarum. Hæ sunt notiones, quæ causant in Sanctis meis raptus, suspensiones, & recollectiones, quorum aliquo modo & tu ipsa testis es, quæ tantò magis causant, quanto amplius & perfectius in illis resplendo, ita, aut ipsimet non possint comprehendere, quid, vel quantum sit, aut qualiter intelligant. Hoc solum agnoscentes, quòd si id, quòd patiuntur & cognoscunt, sine careret, vitam æternam de facto se se jam possidere existimarent. Quia in hac clara  
obscu-





obscuritate ac resplendente ignorantia anima elevatur ad suavissimam cælestemque admirationem, videns se intelligere non intelligendo, quod novas illi addit faces amplius aspirandi ad ineffabilem lucem & infinitam majestatem meam, atque in illius fruitione dulcissima diutius perseverandi.

31. Cæterum, hæc est conditio humani intellectûs, quod, postquam aliquam rem satis cognovit, relinquat eam, si minus; inhæret illi tenaciter, scrutando, donec penetret eam. Igitur, sicut delitiæ meæ sunt, esse, & habitare cum filiis hominum 2]. Sic non cesso me illis multipliciter manifestare, ac allicere, ut cum perseverantia sequantur vestigia mea. Non abs re me legis apud servum meum Job, *verbum absconditum* 3]. Verbum quidem, quia me ipsis patefacio ac explico; absconditum verò, quia finem explicandi me, non facio, hunc sensum etiam habent verba Evangelistæ mei 4]. Quando scribit, & *lux in tenebris lucet*. Etiam Propheta Isaias me nominat 5], *Deum absconditum*. Solemne enim mihi est attendere Sponsam meam per fissuras & rimas,

mas, per cancellos & fenestras. Quatenus & ipsa ex parte me videat, & ex parte non videat, sicque magis acuatur in ea desiderium videndi, & possidendi me; dum detinet se coram me, laborando, qualiter videat me. Ego indulgeo ei quandoque aliqualem satietatem, sed talem, ut semper appetitus maneat ad majorem. Itaque major fames est causa majoris satietatis, & major satietas causa majoris famis. Prout scriptum est 5]: *Qui edunt me, adhuc esurient, & qui bibunt, adhuc sitient.* Et tali modo hæc rota in perpetuo versatur gyro, anima quidem essuriendo & sitiendo me, & ego impiendo ventrem insatiabilem desideriorum ejus. Ita tamen ut semper supersit infinita abundantia fruendi, quia semper superest infinita Majestas, & Essentia illam adimplendi.

32. Hunc meum procedendi modum satis bene comprehendit magnus ille Job, amicus meus 6]. Quòd scilicet emolumentum, grande importet ista successiva communicatio mei ad animam, quodque me totum simul & semel ei non concedam; unde hoc exercitium cujusvis alteri modo



modo orandi, commerciumque mecum habendi anteposuit, dicendo *suspensum elegit anima mea*. Id quod significat famelicam quandam satietatem, lucem obscuram, gaudiumque insatiabile. Attende ad Prophetam Regium 7]. Qui me nunquam non praesentem habebat, & tamen semper quaerebat. Et sic erat ex parte ut gaudens, ex altera verò ut carens, seu non cognoscens. Quia nemo quaerit, quod jam habet. Et ideò erat jure illius exercitium parziale possessionis gaudium, atque jure me quaerendi, & amplius inveniendi desiderium. Et talem Ego optarem Sponsa mea vitam tuam, & hanc esse occupationem tuam.

33. *Sponsa*. Non bene sapio, nec satis capio Domine, quomodo anima possit amare, quod ignorat, aut intellectus intelligere, quod ipsi per modum objecti non obviat? quia quod non videt, habet se apud ipsum, quasi non esset.

34. *Sponsus*. Hoc ipsum est, ob quod Princeps Apostolorum toties in admiratione multa involutum se sensit 8). Sed sola nobilissima fidei virtus hanc obscuritatem enodare novit, illa reddit intel-

telleetui præfens ipfum ens, quod est fuper omne ens; & voluntati fummum Bonum, quod est fuprà omne Bonum, & ita quidem, ut hoc poffit amare, & illud intelligere. Et quid amabo agit Philofophus, qui ferutandæ cuidam veritati multùmque diùque inhiat? cui toto illo tempore ejus innititur? Nifi defiderio, fpeiue, tandem affequendi illam. Sic refc habet cum anima cognofcente & amante me fummam veritatem, & infinitam bonitatem. Defiderat, inhiat, afpirat, ufque quo carcere foluta, mediante gratia mea, non ampliùs guttatim, fed quafi pleno Oceano totaliter immerfa, plena fatisfietate me facie ad faciem fruatur.

35. *Sponfa.* Suprà modum me contentat, Sponfe amandiffe, revelatio ac declaratio fpinarum mearum. Bene apparet, quòd ames me. Quoniam per temetipfum dignaris ancillam tuam inftruere, quafi alteram Samaritanam, licet illâ multò pejorem 9]. Quandoquidem ergò tantum mei amore fecifti, placeat quæfo tibi dicta jam omnia hæctenus recapitulare, & n unam fummam paucis redigere, poftquàm unum hoc mihi fclveris aubium. Qua





ratione scilicet me habere debeam inter mortales illas cordis oppressiones & anxietates tecum essendi, te amplius videndi, ac fruendi, quales nuper perpeffa sum. Ut sciam quibus modis, redeuntibus eisdem obviare imposterum debeam.

36. *Sponsus.* Et quando tandem tu ad-  
disces communia documenta particulari-  
bus eventibus applicare? Inspice primum  
soliloquium, ibi petitioni tuæ tam satis  
factum invenies. Ibi dictum, causam  
anxietatum istarum esse cognitionem lu-  
cèmq; accendentem, stimulantemque  
desideria tua possidendi me. Et hæc con-  
servare & augere debuisses totis viribûs,  
applicando intellectum quidem perfectæ  
cognitioni illorum, quæ tibi manifestavi,  
voluntatem autem amoris & dulci compla-  
centiæ eorum, quæ intellectus propone-  
bat, gaudendo identidem proponere, &  
pausando in eisdem, subortisque exinde  
cordis affectibus debuisses dedisse locum,  
absque signis tamen externis, & excessivi  
clamandi, gemendi, & plorandi &c.: quia  
hæc in publico non conveniunt plus qui-  
dem tibi licet in similibus, si fueris tecum  
& sola, cavendo tamen, ne plus æquum  
fræn a

fræna laxando, noceas capiti & fan-  
tati.

37. Nota tamen, in dictis casibus non esse semper consultum retinere multa vi sensibilem devotionem, quia non minus damni tibi facis valdè refrænando, quàm relaxando. In utroque attendas, ne quid nimis. Igitur ex toto nunquam eam suffocabis, neque ex toto dominari patieris; memor esto, illam à te non esse procuratam, sed à me tibi gratiosè donatam; nulla proinde est ratio vel abutendi, vel penitus recusandi illam. Jam audisti in secundo soliloquio, sensibilem devotionem [ maximè si originem ex me trahat absque tua industria ] non solum non obesse, sed multum quoque prodesse, si tamen sit moderata. Erit autem, si ad extrema non declinet; licet quandoque [ me ita disponente ] illa declinare non poteris. Rationem autem hujus nolo exigas, sed potiùs te usque quaque humilies, & patienter sustineas, aversando excessum omnem quantum tibi possibile. Quod si nil tali modo proficis, scias nullum subesse peccatum, sed potiùs grande bonum, videlicet sustinere & pati. Sed  
de



de his fatis. Jam epilogabo tibi juxtà vota  
tua omnia præcedentia soliloquia.

38. In primis tibi dixi puritatem animæ  
rem esse valdè pretiosam, & prorsùs ad-  
mirabilem, sed tamen cum moderamine,  
nec nimia curâ appetendam erroneè ima-  
ginando, quasi illa quibusvis minutiis de-  
perdatur. Et, quòd si aliquam culpam  
committas, materiam inde majoris humi-  
litis, & non excessivæ afflictionis desu-  
mas, utpote quæ plùs tibi nocet, quàm  
omnes illi levissimi defectus, quos inter  
minimus minimè est, non velle acquies-  
cere Patri tuo spirituali, ideóque nec mi-  
hi in ipso. Obedientia, obedientia filia mea  
est, quàm tibi commendo.

39. Posthæc audisti, vitam contem-  
plativam, ejùsque exercitia præferenda  
esse vitæ activæ; cum exceptione tamen;  
nisi obedientia, charitas, ac necessitas  
aliud exigat. Quia tunc contemplatio ce-  
dere debet, & quasi major servire minori.  
Sed hoc cum grano solis intellige, ne ex  
tuo genio fingas voluntarias occupationes,  
insuper ne in mediis negotiis, etiam justis,  
contemplationis & præsentis Dei obli-  
viscaris.



40. Tertio tibi suasi frequentem S. Communionem, sed nonnisi ex licentia & mandato ejus, cui cura incumbit animæ tuæ, & cum hac conditione, ut tua te conscientia non accuset peccati venialis de præsentī, sive actualis. Illa autem, quæ de præterito sunt, & jam per dicta remedia abolita, non esse obstaculo, quo minus quis recipiat, mediante hoc Sacramento, omnem gratiam, quam soleo dignè accedentibus communicare.

41. Quarto clarè ostendi, pœnam illam, quam sentis ob meam absentiam, viam esse rectam & regiam citò pertingendi ad dulcissimam præsentiam meam. Si tamen mortificando ad plenum resignas in meam voluntatem, abnegando tuam, parata hæc sustinendi, quamdiu mihi placuerit, etiam per omnem æternitatem. Ast hic occurrit, quod specialiter moneam, quod tibi bene velim imprimas, & est, me nonnunquam relinquere animam solitariam, non ex quadam ejus culpa, sed probandi gratia ejus humilitatem, resignationem atque patientiam, & tunc oportet cum gaudio & libenter te ex toto corde ordinationi meæ subjicere, & usque huc  
po-



potest perfecta resignatio & mortificatio  
pertingere. Dantur quidem vices omni-  
nò, ubi culpæ & negligentia tuæ nos ab  
invicem separant, nolo tamen ob illas te  
deferere, bene gnarus fragilitatis & infir-  
mitatis tuæ. 10]. Interim tuum est ex  
una parte culpam admissam lugere per  
actus doloris, ex altera absentia pœnam  
æquanimiter ferre per actus amoris. Agno-  
scendo, & confitendo te semper indignam  
visitationis meæ ob demerita tua. O si  
hæc adimpleres charissima mea, quantum  
profectum facere in ipsa perfectione, &  
quàm continua eaque suavissima pace  
gaudere posses.

42. Ultimò docui, te plurimùm ap-  
preiare anxietates & vota intensissima  
semper magis magisque amandi, & cogno-  
scendi me, quàm de facto me amas ac  
cognoscis, persuadendo tibi, infinities  
plura superesse, quæ cognoscas & ames.  
Denique noli te multùm cruciari ex eo,  
quòd non possis, uti vis, te manifestare  
Patri tuo spirituali, cui jam constat te in-  
cassum ex hac ratione affligi, cum neque  
te ipsam intelligas, ne facere possis, ut  
alius te intelligat. Per hoc tamen non

suggero , ut claudas cor tuum , & labia tua , & abscondas ab eo , quæ sentis interna sensa tua , sed ut non nimium contristeris , si illa non possis ei revelare , quia ad hoc non deest tibi velle , sed magis posse. Et hoc ipsum dat mihi gustum & insigne gaudium. Sit gratia mea semper tecum , qua valeas erga me illud nunquam non continuare.

- 1). Job. 4. 12. 2). Joan. 1. 6. 3). Isa. 45. 15. 4). Cant. 2. 9. 5). Eccl. 24. 29. 6). Job. 7. 29. 7). Ps. 15. 8. 8). 1. Pet. 1. Matth. 9). 1. Joan. 4. per tot. 10). Ps. 102. 13.

## SOLILOQUIUM V.

De passionibus animæ , quid illæ nobis obesse vel prodesse possint in via & exercitio orationis : & in quo consistat pulchritudo animæ.

### 1. Sponsa.

Satis superquæ , Sponse mi dilectissime , descripsisti ; imò ad oculum quasi ostendisti spinas affligentes animam meam. Sed qualiter vehemens desiderium ad puritatem , tibi aliàs gratissimam , tristitia ob  
in-



intermissam contemplationem ; quàm Ipsemet in Magdalena tua laudasti & approbasti : dolorque amarissimæ absentiae tuæ, quam Sancti tui pro altero reputârunt Inferno : Denique anxietas amplius semper cognoscendi, ac amandi te, juxtâ præceptum tuum, qualiter hæc nociva & impeditiva quietis pacisque meæ esse possint non penetro, non capio.

2. *Sponsus*. Iterùm ad primum te remitto soliloquium. Profectò si bene legisses, ac relegisses, invenisses utique detectam omnem spinarum tuarum rationem. Sed fortè dicta de gaudio & tristitia spirituali ac sensibili nescis applicare aliis passionibus & appetitibus non minùs damniferis, quæ occupant terram cordis tui in copia.

3. Igitur aures præbe, & bene, quæ dico, cordi tuo imprime, gaudium scilicet de bono præsentì, ac tristitiam de malo præsentì ; similiter amorem & complacentiam de bono, tædium seu horrorem de malo illi contrario; desiderium obtinendi bonum, fugamque, sive detestationem mali oppositam; spem assequendi bonum arduum ; & diffidentiam, imò despe-

rationem ad illud pertingendi ; animositatem ac audaciam aggrediendi difficilia, timorem declinantem ac fugientem illa; denique iram vindicandi malum illatum , non esse , nisi totidem passiones in anima tua.

4. Istæ passiones sicuti , si fuerint mortificatæ ac subjugatæ per rationem , conferunt ad bonum , si verò tanquam rebelles recalcitrant , vel omnes , vel quælibet seorsim , sunt in statu totam animæ turbandi rempublicam , hinc licet inferre , quòd sicut gaudium sensibile excessivum exorbitat in risum , & inordinata tristitia in desperationem. Eodem modo effrænata desideria ergà bonum , similisque fuga de malo , auferunt ab anima omnem requiem & pacem.

5. *Sponsa.* Optimè ut Magister bonus me informas , docèsque dari desiderium , aliud purè sensibile , & aliud , purè spirituale , illudque modificatione & mortificatione indigere , hoc autem minimè. Similiter & fugam sensibilem , fugamque spiritualement : eodémque modò de spe & desperatione , de ira , de amore , & odio mihi esse ratiotinandum ; scilicet quæ sunt sensibi-





sibiilia & sensualia cadere sub directione & moderamine , quæ autem spiritualia, frænô & disciplinâ nullatenus indigere.

6. *Sponsus*. Tandem aliquandò veritates istas oculis vides , & manibûs palpas. Sed scias insuper, quandò mihi, vel Angelis meis attribuitur ira, odium, fuga, desiderium, audacia & similia , hæc non esse quid sensibile , minùs sensuale, sed purè spirituale. Quoniam spiritus sicut corpore, sic sensibus & passione caret. Sed per hæc denotatur actus simplicissimus divinæ voluntatis meæ infinitè distans ab omni passione & alteratione, quantumvis ex effectibus ad extrâ videatur rudioribus contrarium. Quoniam sicut iratus se se vindicat modò verbis, modò verberibûs de hoste & adversario suo, sic ego castigans plecto malos & peccatores, sine ulla tamen passione iræ, sed simplicissima & gloriosa semper voluntate mea. Et tunc dicor à vobis plenus irâ, odio & indignatione. Idipsum succedit suo modò in Angelis , imò & in vobis ipsis , quandò videlicet rationalis appetitus [ qui est recta voluntas ] cum exclusione sensitivi hæc producit actiones.

Quia & vester spiritus est in operando, si velit, liber & exemptus ab appetitu sensitivo, Et ex hac ratione provenit, quòd dæmones non possint penetrare illius cogitationes vel determinationes, nisi tangendo pulsum arteriæ partis sensitivæ, expiscando asturè, nani ibidem se se insinuent indicia actûs interni alicujus & spiritalis: In hoc imitando Medicum, ex pulsu venæ argumentum vel sanitatis, vel certè infirmitatis cruentem.

7. Ecce sic studet ille versipellis deprehendere, quid lateat in homine: in ipso namque dantur gaudium, tristitia, desiderium, spes, & timor, spirituales certè, quia in silentio sine strepitu partis sensitivæ nascuntur ex cognitione boni vel mali. Dantur vicissim & alii motus redundantes vel ex voluntate, vel ex alia naturali vel supernaturali causa in appetitu sensitivo, uti sunt amor, odium, tristitia, gaudium, audacia, timor, & aliæque affectiones, motûsque sensitivi, camo & fræno indigentes, sine quibus non continebuntur in officio, sed fusdeque vertent omnem quietem ac pacem, totâmq; animam excæcabunt. Et hoc etiam in te

accidit, quoties excessivo ac sensibili pruritu niteris esse nimum pura. Hæc imprime tibi cum magno notabene. Ista siquidem sunt, quæ tam malos generant effectus, quandò non contentaris cum illis, quæ sunt in centro voluntatis tuæ, sed cupis etiam sentire per omnia in tuo appetitu sensitivo. Quin imò jam eo devenisti ut neque motus primo, primos velis sustinere, qui tamen de tuo non dependent arbitrio. Putas enim erroneè illis, si sentis, continuò maculari animam tuam; absit, absit, nunquam nocet sensus, si non accedat consensus. Ubi est displicentia & horror, non debet esse talis timor, sed potius patientia; hæc si adsint nulla ratione maculatur, sed semper magis magisque purificatur quasi aurum anima tua.

8. Cessa jam à quæstionibus, Filia, Soror, & Sponsa mea, quia clarè satis jam patent omnia. Nam dictæ sensitivæ passiones de tuo, non de meo accensæ amore, te turbant, stimulant, ac inquietant, auferentes pacem, quàm usque adeò æstimas, non tamen sicut ego, qui amo & desidero, sed sine ulla sensus passione.

9. Ah ! quanta est inconvenientia ? quòd me perseverante quieto in anima tua, tu usque adeò turberis, quandò in S. Communione aliisque exercitiis non sentis solitam devotionem. Scias hæc pullulare ex passione amoris, tristitiæ, & appetitûs sensitivi. Fac tandem efficax præpositum, te non ampliùs per viam appetitûs sensitivi, amorisque proprii, sive carnis, sed per viam rationis ac spiritûs te velle incedere, quasi spiritus, non quasi caro, regîque imposterum per me, & non per te.

10. Reflecte super præteritas inimici tui astutias, qualiter te olim exagitavit & angustiavit vanis umbris, & phantasticis repræsentationibus in die S. Communio-Expositfacto autem, quàmprimum refecta eras pabulò Eucharistico, continuò evanescere cuncta machinamenta diabolica. Modò autem in ipso accessu te variè vexat, ubi verò anima tua mihi conjuncta est, tota recollecta, tranquilla, ac immunis manet.

11. Vide filia, totum ipsius intentum, tam ante, quàm in actuali communionem est, per similes anxietates deterrendi te



â frequentando hoc S. S. Sacramento, privandique multiplici fructu ejus. Ego autem in mediis turbationibus te probo, ut videam, num habes veram orationem? num communices ex motivo mei, an potius tui amoris. Insuper est meum intentum, mortificandi gustum tuum, ac appetitum sensitivum, téque spiritualizandi, ut in agendis omnibus, nequaquam tuo, sed purè meo moveâre spiritu; nihil ex suggestione carnis; nihil agendo, quia sensuale; nec ob sensibilem dulcedinem vel delectationem.

12. Manet ergò, amorem, desiderium, tristitiam, timorémque (si spirituales sint) causare pacem, & quietem; Sin verò, generabunt molestias & perturbationes. Estne possibile, quòd non velis assuescere, & induere amorem, atque tristitiam spiritualem absque eo, quod sensus, vel aliquid sensibile habeat partem? averti te oportet â sensibilibus omnibus, sine conversione ad illa, & distinguere, quandò affectiones tuæ, motiones, passionésque sint spirituales, & quandò sensitivi, & carnales.

13. Adhuc semel, quia tanti interest,  
dicta

dicta repetam. Tunc sunt spirituales, quandò ex cognitione boni, vel mal efficaciter movetur voluntas ad volitionem, vel nolitionem boni vel mali, sensitivæ autem erunt, quandò ex hoc velle, vel nolle nascitur in corde, vel sensibus aliqua lætitia, sive tristitia, per quæ constringitur, vel dilatatur cor ita, ut ad risum, aut planctum moveatur. A corde autem communicantur ista omnibus sensibus. Hæc nonnunquam à me auferuntur, probandi aut mortificandi causâ. Nonnunquam autem dantur, favoris ac consolationis tam internæ quàm externæ gratiâ. Juxtà testimonium Prophetæ 1). *cor meum, & caro mea* (sive sensus mei) *exultaverunt in Deum vivum.* Ut ad modicum mediantibus illis me videant, me servi mei, ad modicum non me videant.

14. Hæc omnia eo fine dicta sint, ut tibi in occasionibus serviant & conducant, fiet autem indubitanter, si ad primum soliloquium bene reflectas. Ubi audisti gaudium spirituale (cum sit valdè bonum,) non exigere modum, aut limitationem, solúmque sensitivum indigere similibus cautelis? quibus deficientibus non possunt nisi



nisi pernicioſa eſſe. Idem intellige de omnibus aliis & ſenſitivis & ſpiritualibus affectionibus, & paſſionibus. Ratio eſt, quia purus actus ſpiritualis voluntaris quantô intensior eſt, reſolutiôrque in velle bonum, & nolle malum, tantô & melior eſt. Sed ſenſitivum velle, ac nolle ut poſſit conjungi cum illo altero actu voluntis tuæ, prius moderatione opus habet.

15. Noli quæſo delirare, non cognoſcendo differentiam, quæ intercedit inter actus puros ſpiritualis voluntatis tuæ, & inter volitiones ſenſualis, & beſtialis appetitûs tui. Alioquin in animal irrationale denuò dengenerabis, ſi, inquam, ſenſualia ſpiritualibus præferas, totis potiùs viribus convenit te mortificare omne id, quod eſt ſenſibile in te, nunquam obaudiendo illi, nec pluris faciendo, quàm ſtercus terræ, quod pedibus conculcandum eſt. Vice verſâ oportet te illud alterum ſpirituale in te, æſtimare ſuprà pupillam oculi tui, illudque cuſtodire in centro cordis tui. In hoc enim, filia mea, ſtat omnis vita, pulchritudo ſpiritualis, & perfectio tua, juxtà dictum citati Pro-tæ 2), *omnis gloria ejus filiæ Regis ab*  
*in-*

*intus, in fimbriis aureis, circum amicta varietatibus.* Hoc est, intrà animam tuam in actibus puris, simplicissimisque aureæ charitatis. Qui, cum sint adeò intimi, adeò secreti, & puri, subtrahuntur oculis immundissimi, & infernalis Basilisci,

16. Ex his jam intelliges, quam ob causam toties deducam Sponsas meas amantissimas in solitudinem interiorem 3). Admonendo eas, ut discant ibi orare in abscondito, & condensis. id est, in centro suæ purissimæ voluntatis, quatenus scis oculos inimicorum suorum effugiant, qui suprà modum illas videre, & scrutari desiderant.

17. Quapropter pone sedulò suprà cor tuum, ut mortificationem appetitûs, omnisque sensûs tui omninò magni facias, quia mediantibus solis istis te dæmones observare possunt. Quoties enim uni ex illis (id est sensibus & appetitibus) faves, & inservis, toties foràs prodis, & consequenter inimicis tuis in oculos cadis, qui omnem movent lapidem, ut actus gaudii amoris, timoris, desiderii, spei &c. non nisi sensibiles elicias, ut oculos, & aures rebus curiosis, novellis, externis, ac





vanis aperias, quatenus te extrahat te, & quoquo modo foras trahant, ut tibi loquantur, te videant, tentando sollicitent. Uno verbo, ut sic datam fidem tuo Sponso frangas, ac amorem tuum alio transferas.

18. Affecuro te Filia, omnem curam meam in eo esse, ut persuadeam tibi recollectionem internam, ubi ego & tu, solus cum sola & simul gaudeamus. Illi autem, qui oderunt te, nihil prius habent, quam ut egredi te foras faciant, quatenus sic sensibus & desideriis tuis satisfaciendo, ac excessivè inhærendo, retrorsum abeas, Sponsum tuum deferas, sicque me infelici divortiò, te Sponsâ meâ amatâ, penitus prives.

19. Ama igitur tam internam, quam externam solitudinem ac recollectionem; maneat in illa, nisi aut obedientia, aut charitas inde, aut inevitabilis necessitas te avocent, hac enim ratione tu non exhibis inde, sed ego sum qui extraho, & ex hoc ipso custodio te. Ama etiam mortificationem propter me 3). *Exemplum enim dedi tibi ut & tu sic facias*, te amore mei non solum in majoribus, sed etiam in minimis mortificando. Sic libera & tuta ab oculis inimicorum tuo-

tuorum frueris dulcissimo aspectu meo, in hoc siquidem unice consistit felicitas tua.

- 1) Pl. 83. 3. 2) Pl. 44. 14. 3) Osee 2. 14.  
4) Matth. 6. 6.

## SOLILOQUIUM VI.

De oratione quietis, & cessatione intellectûs ab omni operatione, & actu, nihil aut boni, aut mali cogitando.

### 1. Sponsa.

**A**dhuc, amabilissime Sponse! sentio puncturas nonnullarum spinarum, quia in tertio Soliloquio fecisti mentionem, quòd debeat intellectus feriari ab operatione, suspendendo omnem actum, nihil prorsus cogitando; & licet hoc explicatum sit à te, tamen inhæret scrupulus, tollens quietem animæ meæ, quousque tu ipse Domine illum lumine sancto tuo amoveas à me. Est sententia Virorum illustrium tam doctrinâ, quàm spiritu: Non esse quidquam, quod animam sic disponat ad visitationem, & præsentiam



tiam tuam, quàm si sit tota quanta otiosa ipsa potentia intellectiva, & sine omni operatione, nihil nec boni, nec mali cogitando. Durus videtur hic sermo, Domine. Sic enim erit anima mea, sicut speculum sine ulla imagine, vel sicut tabula rasa, imò sicut Brutum, aut Satyrus, qui etiam non cogitant.

2. *Sponsus.* Satis sapienter hac de re ratiocinaris, filia mea! profectò, si mentem eorum intelligeres, videres utique, quòd in suo sensu bene loquantur omnes. Duplicem finem potest habere hæc illorum doctrina, quandò dicunt, animam in oratione quietis nihil, nec boni, nec mali cogitare debere. Si enim sensus esset, nihil aliud præter hoc prætere, & quærere debere ipsam animam [quod ipsis nunquam venit in mentem] hæc certè esset doctrina sylvestris, & peregrina, ut ipsamet notâssi, nisi fortè dicere quis vellet, de duobus malis minus eligendum, & convenientius esse, nihil omninò cogitare, quàm malè cogitare; sive, ut aliud habet proverbium, *melius est, esse solum, quàm malum sustinere socium.* Posset tamen contingere, animam usque adeò la-

F fari,

fari, ut quietis loco eligeret, illud nihil cogitare, séque habere, quasi dormiret, & hoc non est malum, sicut & dormire non est malum, si non longo tempore, & nimis frequenter fiat.

3. Etiam alter finis dictæ doctrinæ non est, ut anima pro tunc nihil præcisè cogitet, nisi fortè per brevissimum instans temporis: quod tunc sit, quando se exuit, & spoliatur omni proprio intellectu, & voluntate, habens pro scopo, & objecto ipsissimum nihil; & tali modo per illud instans nihil habet, quia omnia reliquit, etiam me ipsum, eo quòd non cognoscat meam voluntatem circa se, sed exspectet illam, & operationem meam in se, tanquam in puro, & limido speculo, ab omnibus peregrinis, & alienis figuris exinanito.

4. Cum his omnibus necdum ad hoc pervenit punctum, in quo ego eam investio subito, transformo, ac mecum unio, quamdiu mihi placet, quia mihi lex nulla posita est, idcòque experitur in illa fruitione bona, & gaudia usque adeò ineffabilia, quæ nullâ ratione valet vel capere, vel intelligere, prout tu ipsamet testimonio esse potes.



5. Poteris ergò bene huic te doctrinæ conformare, moderatè tamen, & non multo tempore, & cum intentione, per hocce medium, *non cogitandi quidquam*, assequendi tam grande bonum, prout supra dictum est. Ecce! hoc te volunt docere Sancti mei per ista verba: nam sicut ego ex nihilo creavi omnia, sic in illa spiritûs nuditate, in qua nihil amplius restat, nec de te, nec de tuo, ego operor omnem, quam volo, perfectionem: & hoc experieris, quoties te intrà te recolligis, dicendo: nihil desidero, nihil volo amplius, ô Domine! nisi te, amor meus, & Deus meus!

6. *Sponsa*. Utinam, Domine mi! daretur mihi nunquam non versari in hoc nihilo, quandoquidem tantis bonis cumulatur in illo anima mea! Utere cum grano salis, filia! cum discretione, & prudentia salutare hoc consilio. Absit, ut semper hæreas in ista tuâ annihilatione; hoc enim esset irrationabiliter procedere, sed, solum, quoties te, & cogitationes tuas cernis vagari inter creaturas, ac extrà me; & etiam tunc oportet te attendere, ne quid nimis, sed solum, quantum

tum opus erit. Expecta me, donec veniam, & investiam te gratiâ, ac præfentiâ meâ, quia 1] *veniens veniam, & non tardabo.* Quodsi immersa in nihilitate tua, fixa hæres cum tædio, nec vales emergere, humilia te, fructumque de præfenti, ac futuro multum poteris colligere.

7. Reflecte insuper, te semper plus posse accipere, quàm dare, magisque pati, quàm agere: quia sicut ego abyssus sum divitiarum, ac bonorum omnium, illa tibi dandi; ita & tu es abyssus, illa recipiendi, nihilque est, quod te magis idoneam, capacemque efficiat ad recipiendum, ac patiendum, quàm nihil te aestimare, & *nihil prorsus cogitare*, ut nuper dictum est. Ex his illam intelliges famosam sententiam magni Dionysii mei, datam instantibus, quânam ratione servus meus Hierotheus tantum profecerit suprâ alios in perfectione amoris mei? respondit ille: *Sciebat pati*, hoc est, sciebat patiando, & recipiendo præparare se ad illam per hoc nihil, id est, pro tunc nihil agendo, sed passivè in conspectu meo se habendo.



8. *Sponsa*. Obsecro, Domine mi, & Sponse dilectissime! edificere, éstne fortè hoc illud nihil, quod ortum suum à cognitione propria suû habet? ac suæ summæ vilitatis? Minimè, Filia mea! quoniam hæc est alia cognitio, in qua anima attribuit mihi, tanquam Auctori rerum omnium, totum, quod habet, & est, tam in ordine gratiæ, quàm naturæ: considerandóque ex altera parte, se prorsus nihil ex semetipsa esse, sese abjicit ad infimum totius entis creati locum, & ne formicæ quidem se audet comparare. Pro exemplo tibi sit Mater mea, fac juxta hoc exemplar, & vives in magna pace, præparabisque animam tuam ad recipiendas novas quantociùs gratias.

9. *Sponsus*. Quæres fortassis, num præter dicta duo nihil aliud supersit? Respondeo, quòd sit; sed nollem ego te in hoc tertio videre: quoniam abominabile est nimis in oculis meis, utpote peccatum mortale, consistens in privatione omnis gratiæ, & amicitiæ meæ, & incurritur cogitando, loquendo, vel agendo graviter contra legem, ac mandata mea. Attamen si huic terribili nihil cognitio suû, & suæ nihilitatis

tatis ponitur<sup>n</sup> ex adverso, tunc fit verè pœnitentibus causa maximæ humiliationis, prout ipsamet testis existis, quoties rememorando defectus tuos, quantumvis veniales, te mihi offers, reputans te indignam usquequaque præsentiae meæ cum totali tuæ resignatione. Et hæc omnia sunt effectus humilitatis, gratitudinis, & amoris, ortum habentes ex corde contrito, & humiliato; nôsti autem 2), quòd cor contritum, & humiliatum nunquam despiciam, sed potius multam gratiam, multamque gloriam communicare eidem soleam.

1) Habac. 2. 3. 2) Ps. 50. 18.

## SOLILOQUIUM VII.

De multiplicitate viarum Domini, sive orationis mentalis, quòdque nemo debeat impedire animas ambulantes per eas, nec per alias ducere.

### I. Sponsus.

**S**emper te video, Filia mea! in pœna, & tristitia, quoties audis, perdere illos & tempus, & viam, qui tempore ora-



orationis suæ non meditantur vel in vita, vel in passione mea. Ego [ut vestro loquar modò] ægrè ipse sustineo, vos taliter instrui à Ministris meis. Si ego non essem, nisi purus homo, rationem utique haberent doctrinæ suæ, & bene facerent, Magistri quidem talia docendo, discipuli autem in obsequendo. Modò autem, cùm sim æquè verus Deus, ac verus homo, oportet utique, ut animæ in schola orationis non semper occupentur in illis tantùm, quæ sunt humanitatis meæ, sed laxentur habenæ, quatenus possint etiam meditari in illis, quæ sunt Divinitatis meæ, juxtà exemplum Apostoli mei 1) dicentis : *Etsi cognovimus secundùm carnem Christum; sed jam non novimus,....* hoc est, non contemplor Christum solum tanquam hominem, sed tanquam Deum, quia de meditatione humanitatis meæ transitus est faciendus ad contemplationem meæ Divinitatis. Ex hac enim ratione illa vocatur & via, & porta 2), per quam itur, & per quam intratur ad contemplationem meæ Divinitatis 3), in qua te novi, quasi ordinariè occupatam.



2. Si attenderent servi mei, & considerarent vias meas 4), viderent illas esse multas, variâsque, per quas deduco ad me animas meas. Insuper si reflecterent Jerusalem cælestem 5), non habere unam solam, sed duodecim portas 6), & in domo Patris mei mansiones multas esse 7); item terram cordis in variis subjectis varios facere fructus, non ita in cassum laborarent, volentes omnes animas per eandem dirigere viam, intrare per eandem portam, habitare in eadem mansione, & à cunctis æqualem exigere fructum. Terra frigida, Filia charissima! est apta certis fructibus; calida autem aliis, sicca & humida aliis.

3. Non recordaris, qualem modum observavi in distributione talentorum meorum 8), quando alteri unum, alteri duo, alteri quinque assignavi. In vanum ergo exigunt nonnulli servorum meorum duo talenta orationis ab eo, qui non nisi unum accepit: aut quomodo extorquebunt quinque ab illo, qui solummodo duo habet? Fortior est certè vocatio mea, quàm illorum. Cogant illi, quantum possunt, animas per unam, eandemque viam  
ora-



orationis incedere. Si ego eas incedere volo per aliam, nihil proficient certè, nisi ut mortificent pauperulas ad ossa usque, dum tanquam humiles, & obediens nituntur in vetitum sequi doctrinam illorum, me, meoque spiritu illis ex adverso occurrente, atque in viam contrariam illas invitante.

4. Rumpant itaque ejusmodi caput suum, frænisque, lorisque, flagellis, & calcaribus compellant oves incedere per semitam timoris: in fine tamen eas invenient in via amoris. Inane quid prorsus est, instigare ad meditationem quatuor novissimorum, quem ego suaviter allicio ad ruminatorem amorosam meorum beneficiorum. Similiter frustra fatigatur in meditatione meæ humanitatis, cujus ego succendo viscera, & immergo in abyssum meæ Divinitatis: sicut nec poterunt elevare alicujus mentem ad contemplationem Divinitatis, quem ego detineo, & reficio meditatione meæ humanitatis.

5. Iterum repeto, si servi, & ministri mei non satagant sapere, & scrutari, quorsum ego dirigo animas, nec velint conformare se, suamque doctrinam vo-



luntati meæ, non nisi actum agent: denique tamen fiet, quod ego volo, omni illorum velle in aquas abeunte.

6. *Sponsa*. Exultat, & lætatur nimis anima mea in hac suavissima doctrina, suavissime, & amabilissime JESU! Ego enim ipsamet sum ex numero afflictarum illarum, quæ se non semper poterat divertere à contemplatione tuæ superabyssalis Divinitatis ad meditationem tuæ sanctissimæ Humanitatis, prout jussa aliorum postulabant. Tu autem nôsti, Domine mi! hoc minimè fieri ex defectu amoris, aut reverentiæ erga tuam sacratissimam Humanitatem, siquidem ejus meditatio est mihi valdè proficua, dulciórque omni favo; quoad sensim sine sensu immergor in superdulci, ac supertranquilla meditatione, & liquefactiva contemplatione suavissimi Spiritûs, ac Divinitatis tuæ; quodsi disoliceo tibi hocce in modo orandi, tolle illum á me, aliúmque mihi tu suggere, Domine mi dilectissime.

7. Nequaquam, Filia mea! nullatenus displicet hæc oratio tua, imò est ipsissima, quam ego principaliter exigo à te; si minùs, non adhibuissem tantam curam,  
ac





ac diligentiam plantandi illam in te, sed  
dudum sustuliffem à te. Proinde non ha-  
bes rationem affligendi te. Obserua, &  
sequere semper id, quod te promouet ad  
majorem perfectionem, & sanitatem. Me-  
dium autem ad hoc citò pertingendi præ-  
stantiffimum, est frequens & humanitatis,  
& præcipuè diuinitatis meæ contemplatio,  
hac enim augetur tuî cognitio, crescit  
humilitas, augmentumque semper facit  
obedientia, spes, timor, & charitas.

- 1) 1. ad Cor. 5. 16. 2) Joan. 10. 9. 3) Item  
14. 6. 4) Ps. 15. 10. 5) Apoc. 21. 12.  
6) Joan. 14. 2. 7) Luc. 8. 15. 8) Matth.  
25. 15.

## SOLILOQUIUM VIII.

De sex viis orationis tendentibus  
ad unam principalem & Regiam, scilicet  
ad contemplationem, & ad animæ  
cum Deo perfectam unionem.

### 1. *Sponsa.*

**D**omine, ac Sponse dilectiffime, quan-  
doquidem suprà mentionem fecisti de  
tantis mansionibus, viis, portis, atque  
talentis, non molestum tibi accidat, illa  
fu-

fusiùs explicare, Quatenùs in casu, quo viam hanc, quàm de facto calco, tuâ ordinatione perderem, ad aliam me interim tutò convertere, coràm te possim.

2. *Sponsus*. Quid usque modò petiisti? quod tibi negavi? libenter gratificarò & hisce votis tuis. Scito igitur, omnes istas vias, portas, talenta quoque à me reduci ad tres principales vias, scilicet ad purgativam, illuminativam, & unitivam. Prima consistit in deploratione culparum, secunda in exercitio virtutum, & tertia in dulcissima unione mecum, mediante cognitione amorosa, ac conformitate voluntatis omnimoda, volendo omnia, quæcunque ego volo, nolendóque, quæ ego nolo, & averfor. In his tribus prima & quidem bona, secunda melior, tertia autem optima est.

3. Nihilominùs dantur præter enumeratas adhuc aliæ inde, quasi totidem rivuli derivatæ, sunt autem oratio vocalis, meditatio, actus virtutum, contemplatio divinitatis meæ, vel seorsim, vel simul cum humanitate mea, denique unio beata. Ex his prima est bona, meliores reliquæ usque ad sextam, quæ reliquas omnes



omnes incomparabiliter antecellit tam in bonitate, quàm in præstantia. Nunc æquâ æstimatione illas apud te considera.

4. *Sponsa.* In veritate O Domine, necdum satisfactum est ruditati meæ, tibi satis superque notæ. Et quoniam tu ipse es abyssus infinitæ patientiæ, patienter & hac vice me sustine, mihi que enucleatori explicatione quod ad singulas hæc vias occurre, nulla prolixitas mihi fiet molesta, sed potius per omnia acceptissima. Loquere ergo Domine amandissime, verba vitæ æternæ habes, quæ cum omni aviditate rapiet ex ore tuo Ancilla tua, satiari nescia. Ah fac me in viis istis sanctam, & valdè sanctam. Quo factô redime me de penosa hac vita, & pon me in dulcissima præsentia tua, ibi eruëtabis mihi verbum bonum, verbum sempiternum, & non nisi unum, quod audiam gaudens sine fine in gloria, per infinita sæculorum sæcula.

### §. I.

*Prima via, oratio vocalis.*

5. *Sponsus.* Prima & principium viarum istarum est oratio vocalis, hanc acci-

cupiens, unum à me accepit talentum, & adeò bonum, ut si bene negotiari cum illo sciet, totum cœlum lucraturus sit. Hoc tamen non obstante, dantur usque adeò superbæ ac rebelles animæ, ut, etsi sentiant, manibûsque palpent, se se mediante hac oratione crescere in devotione, & proficere in virtute, prius desides aridæque velint remanere, quàm illam secundam voluntatem meam practicare, quia plura talenta desiderantes, hoc unicum talentum quasi contemptui habent, cum illo negotiari detrectantes. Quodque hoc in errore caput est, ipsi mei servi & ministri fautores, & adjuutores se se faciunt in hac parte, non reflectentes numerum talentorum parùm ad rem facere, quandoquidem etiam ex unico industriose applicato, tantum quis potest lucrum haurire, ac alius cum tribus, vel pluribus. Ad quid ergò hæc vana desideria ad multa talenta? Melius proinde est, cum eo, quod à me accipit, ac beneplacito meo contentum vivere, quàm pluribus contrà voluntatem meam inhiare. Licet enim alii illum superent in talentorum numero, ipse tamen omnes superare valet in lucro.





6. Ponamus, aliquem dotatum inter alia etiam talento contemplationis, excedentem tamen vel deficientem in modo, ad usum illius requisito : hoc ipso jam potest superari ab illo, qui suo unicô, etsi inferioris ordinis, bene utitur talentô. Quin imò si alter in suo statu se vellet convertere ad orationem vocalem, cum nullatenus deberet, nullum prorsus faceret fructum. Non omnia membra in corpore meo Mystico unô eodemque possunt occupari exercitiô, sed quodlibet suo propriò, sicuti videre est in corpore physico, ubi oculi non audiunt, manus non ambulant, nares non gustant. Qui non sapiunt, hæc etiam non capiunt, existimantes, imò etiam volentes, totum corpus unum idémque debere existere membrum, id quod planè esset inconveniens, résque monstruosa haberetur.

7. Sunt non pauci, qui vix labia ad recitandum Rosarium vel alias pias preces aperiunt, & continuò in spiritu exardescunt. Sed cum illis finis orationis etià est finis devotionis. Spiritus enim subitò evanescit, & cor in eis quasi glacies rigescit. Istis opus est frequentare  
hanc

hanc viam, & in ambulando brachiô sui confessori fulciri. Sed Nota bene, quando in ipsa vocali oratione verum supervenit fastidium & advertit anima se ab illa avocari ad meditationem vel contemplationem, tunc debet ab illa cessare, vocémque invitantem ad aliam viam, sequi & audire.

8. Verum quidem est, me quandoque concedere ad tempus orationem vocalem, quandoque iterum auferre, aliúmque modum substituere, ut sciant hæc dona & talenta mutationi subiacere, & non esse æterna seu invaribilia. Nam ego in his omnibus procedo, prout video conducere ad majorem gloriam meam, & profectum animarum.

9. *Sponsa.* Video Dominemi, etiam orationem vocalem non in modico pretio habendam; quando tua pietas mihi eam concedit, præsertim tempore ariditatis vel tepiditatis. Tunc enim Psalmi, Rosarium, lectiôque libri devoti multum conducere valent ad restaurandam perditam devotionem.



## §. II.

*Secunda via, oratio meditationis.*

16. *Sponsus.* Secunda via orationis est exercitium meditationis, quisquis, hanc gratiam habet, jam duo talenta habet. Dum enim lingua externè tacet, intellectus & imaginatio non tacent. Recordando scilicet, & ruminando hæc vel illa myſteria vitæ ac paſſionis meæ, ſicuti & geſta Sanctorum, quæ legendo vel audiendo ſibi pro commoda materia præparavit. Oportet autem cum attentione & reflexione ſuper hæc interiùs diſcurrere, ſibi que ad profectum illa applicare. v. g. Conſideranti meam nativitatem, ſe ſe offert ſumma paupertas, ſumma humilitas, amor ſummus, ſumma patientia. Hæc in, & apud ſe meditando inflammatur anima; concipitque eadem inimitandi ſalutaria deſideria. Sentit etiam ſibi addi novum ſtimulum, in perpendendo multiplices fructus, quos reportârunt ſancti mei, in hoc laudabili meditationis exercitio ſtrenuè deſudantes. Econtra quantum cauſa malorum aliis extiterit, illud neglexiſſe, ex quo oritur S. timor illud

omittendi , ac præpositum efficax omni meliori modo insistendi , ne infelicem eorum numerum & ipsa augeat. Hic modus orandi est amplissimus , utpote qui totam vitæ meæ latitudinem , cum omnibus beneficiis in illa inclusis , completur.

11. *Sponsa.* Ah quantus dolor est, dilectissime Sponse, animæ meæ , vitam tuam sanctissimam quasi campum latissimum innumeris floribus adornatam videre , & tamen quasi nullum mihi pascuum & gustum præbere ? Alii in hoc florido orandi modo delectantur jugiter , & pascuntur , ego sola non possum invenire aditum.

12. *Sponsus.* Si non potes , Filia mea, noli velle , quod ego nolo te posse. Quoniam per tuum velle , & meum nolle nunquam implebitur desiderium tuum. Sicque semper niterdo in vetitum , vel contrà torrentem , qui transvadari non potest , non nisi tormentum senties. Incipe tandem nil aliud velle , quàm ego volo , & assequeris illud cum multa pace, quod desideras. Si ego ista duo talenta tibi dare nolo, forte



fortè per vim extorquebis illa de manu mea? nunquam certè. Submitte te, & accipe humiliter, quod ego tibi providi: nam hoc tibi multò meliùs erit, ac illud, quod tu incessanter desideras.

§. III.

*Tertia orationis via, Actus virtutum.*

13. *Sponsus.* Actus virtutum tertium orationis genus formant, quod æqui valet tribus talentis. Quia finis meditationis consistit in omnigena virtutum praxi, & sanctis affectibus. Unde si meditaris nativitatem meam, finis præpositus tibi esse debet, ut exciteris ad actus amoris, humilitatis, patientiæ, paupertatis, & gratiarum actionis &c. Hinc, cui ego mediante fide, absque meditatione virtutem tribuo, & gratiam, quatenùs immoretur in exercitatione similium virtutum, huic exhibeo triplicem favorem atque beneficium, tribus talentis æqui parandum. Ponendo scilicet ipsum sine via in termino, absque eo, quòd se multùm fatiget longo discursu vel meditatione. Etiam ista methodus orandi est spatiosa nimis, juxtà amplitudinem & multitudinem virtu-

tum, de quibus pleni, & referti sunt plerique libri.

14. Oratio prædicta est valdè utilis, & proficua ad hoc, ut quis citò crescat in virtutibus & meritis. Sicut enim per remissionem ac cessationem ab actibus deperditur habitus illarum, sic per frequentationem illorum acquiritur. Et quemadmodum per voluntarium actum mortaliter peccaminosum meretur quis infernum, ita per oppositum voluntarium virtutis actum meretur gloriæ augmentum: quid ergò facient multi actus v. g. fidei, firmissimè credendo & contemplando illius veritates? quid actus amoris & charitatis? amando easdem. Quid actus spei indubitanter expectantis adimpletionem promissionum mearum? Quid actus Martyrii & oblationis ad mille mortes amore mei? quid actus pœnitentiæ, humilitatis, mortificationis ac patientiæ? &c. Vide quàm exulans & fructuosa sit oratio ista.

15. *Sponsa.* O quantum me consolantur verba ista! quia per sæpè in similibus virtutum actibus transigo totam orationem meam, & maximè in actibus amo-



amoris. Tu Domine hoc ipsemet nosti, quoniam per solam gratiam tuam omnia facio, quæcunque facio.

16. *Sponsus.* Valdè benè filia; consume tantum, consume in hoc exercitio omnem vitam tuam. Ad hoc enim ego veni in mundum, ut inflammarem eum totum igne meo, id est amore meo, nam amor ignis est: Et Ego ipse amor & ignis sum. Optarem, ut & tu suo modò talis esses, eris autem, si te assiduè exerceas in illis, quæ tibi suggerit (quam accepisti) gratia mea. Id est in amorosa contemplatione meæ divinitatis & multiplicis perfectionis.

#### §. IV.

#### *Quarta orationis via, contemplatio solius divinitatis.*

17. *Sponsus.* Contemplatio divinitatis est quartus modus orationis. Magna profectò gratia, & felix anima, cui immensa liberalitas mea simul & semel concedit, quasi quatuor talenta. Fertilis est, & copiosa nimis hæc oratio, æquè ac ipsæ perfectiones meæ & attributa in infinitum perfectissima, unde etiam

causant ineffabilem perfectionem in contemplantibus, & mecum amantibus illa. Eja satage ex nunc assidue; quod non nisi rarò hætenus consuevisti: contemplare quantum potes pulchritudinem, majestatem, bonitatem, sapientiam, potentiam, gloriámque sempiternam meam. &c.

18. *Sponsa*. Prò quantum ardent vota! æstuant desideria mea! perficiendi Sponsi mei super omnia delectissimi consilia sanctissima. Ah volo, da gratiam, in contemplando & amando consumere & consummare omnem vitam meam. Attamen, ut verum fatear, multis vicibùs non reflecto ad tuas Domine in particulari perfectiones; nec pono oculos meos super attributa gloriosissima tua sigillatim sumpta, sed cumulativè illa repræsentamenti meæ, & hic modus in me causat majorem devotionem, quàm ille alius. Dic quæso Domine, quid mellius sit, & magis expédiat ex his duobus, tibi que placeat.

19. *Sponsus*. Acu tangis illa, quæ solent contingere ambulantibus in hæc sublimi via. Nam quandóque Sponsæ meæ contemplantur me totum simul, quandóque



dóque perfectiones meas sigillatim. Ille  
 modus ex his magis tibi expedit, qui ma-  
 jorem in te causat devotionem, pluresque  
 effectus post se relinquit. Unum autem  
 te scire juvabit, quòd (naturaliter lo-  
 quendo) intellectus tuus non sit in statu  
 per se multa particularia simul & semel  
 capiendi, nec in me, nec in aliis rebus,  
 nisi formet ex omnibus unum. Quem-  
 admodum qui aspicit tapetem mira varie-  
 tate contextum. Ille potest vel divisim  
 & seorsim egregia illa artis opera lu-  
 strare, vel simul in toto aggregato aut  
 complexo figere obtutum. Si primum  
 facit: nunquam hauriet plenam compla-  
 centiam & satisfactionem, si secundum,  
 non poterit esse, quin gustum maximum  
 de tantis invicem connexis, & unitis  
 objectis concipiat. Eodem fetè modò  
 res se habet in contemplatione essentiae,  
 & divinitatis meae, quia majorem conci-  
 liat devotionem & amorem, interiorem  
 intendere oculum in me, tanquàm in abyf-  
 sum, & Pelagus immensum infinitarum  
 perfectionum, quàm si modò unam, mo-  
 dò alteram meditando velis considerare.

## §. V.

*Quinta orationis Mysticæ, via est contemplatio divinitatis, ut unitæ humanitati.*

20. *Sponsus.* Quintus modus orandi est, contemplari naturam divinam cum humana unitam, vitamque meam, etiam ad minimam usque actionem, magnificando & exaltando illam. In hoc excellibat magnus ille meus Augustinus, quândò plenus admiratione & stupore totus extrà se exclamabat, identidem repetendo, *DEUS homo ! DEUS homo ! Ecce DEUS homo propè perit præ frigore ? sedet præ lassitudine ! manducat præ fame ! plangit ex compassione ! semetipsum dat in cibum ! sustinetque mortem, & quidem mortem crucis immenso mei ex amore !* ? Ipse absolutus in profunda hac oratione contemplabatur me esse in omnibus etiam minimis creaturis per essentiam, potentiam, & præsentiam, & propter hanc rationem fovebat ergà illas summam reverentiam, prosternendo se in spiritu coràm omnibus, immergebat se abyssò suæ nihilitatis & anteaetæ iniquitatis



tatis. Ecce hic est altissimus orandi modus, quem rarò, & paucis communico. Attamen non obest, si quis aliam calcare, consuevit orationis viam, vel meditationis teneat portam, quia sufficit vel hæc, vel illa possidere talenta. Sæpè enim incipiens orare, seu ambulare per hanc vel illam orationis viam, transfertur à me ad aliam, & elevatur usque ad contemplationem, imò quandoque & usque ad animæ & spiritûs unionem.

1. Joan. 4. 5.

## §. VI.

*Sexta via orationis, est oratio unionis.*

21. *Sponsus.* Ultima via dicissimâque orationis vena est oratio S. Unionis, cui hæc à me in partem venit, beatus perfectò in suâ forte erit, quia sex quasi talenta accipit. Quotiescunque oratio unionis tibi ex gratia mea conceditur, toties tibi videtur, quòd tu ( licet adhuc vivas, ) non amplius vivas in te, sed potius ego in te. Quasi ego & tu una eademque res essemus. Et hoc est, quòd paucis verbis comprehendit Apostolus meus 1). Quando dixit. *Viv, ego,*

G 5

*non*



non jam ego, vivit verò in me Christus.  
 Quid putas causæ fuit, quòd à retroactis  
 diebus non paucis nulla prorsus propria  
 voluntas nec boni nec mali, nec tui ipsius  
 inventa sit in te? nisi quia in pace ineffa-  
 bili mediante contemplatione suavissima  
 tota absorpta hærebas in me, exercendo  
 modò & ratione altissima officium Mariæ  
 & Magdalenæ inadvertenter, quia tibi non  
 præsens, & extrà te: Ecce hoc totum  
 erat unio transformationis tui in me per  
 viam amoris, & gratiæ meæ. Hanc au-  
 tem anima non assequitur nisi per totalem  
 mortificationem appetitûs sensitivi, ac  
 perfectam abnegationem luminis proprii,  
 gustûsque cujuscunque. Qui aspirat  
 ad hanc divinam unionem, debet se di-  
 sponere ad illam non intelligendo, sed  
 credendo, quia fidei incumbit hujusmodi  
 provincia, & non scientiæ. Insuper re-  
 quiritur puritas & simplicitas. Siquidem  
 in oratione unionis ipsa anima se habet ad  
 instar chrystalli, hæc si fuerit bene dispo-  
 sita, omnique ex parte munda, & absque  
 macula jam ultrà quòd agat, non super-  
 est, sed purè passivè se habet ad hoc,  
 ut pleno sinu solis radios, luménque per  
 to-





totum recipiat. Ecce qualis unio hîc intercedat, nunquid chryſtallus naturam ſuam per illam perdit? Minimè, ſed quaſi elevatur, ut inveſtituram puræ lucis recipiar. Jam calet, radiat, ſplendet, & fulgurat, totumque orbem ſolarem mirabiliter repræſentat. Quod ſi & tu ita conſtituta fueris, tunc verificabitur, quòd ego vivam in te, & tu in me, & quidem magis in me, quàm in te. ô felix terra, ô tèreque quaterque beata! quæ â cunctis, etiam ſubtiliſſimis purgata ſpinis, converſa eſt in Paradyſum voluptatis.

### Manuductio compendioſa ad orationem mentalem.

**H**Actenùs de ſpinis ſubtilioribus accurate ſatis, & multâ induſtriâ actum eſt, jam tranſitum faciamus ad alias ſpinas, ad marinas, ad ſpinas grandes, ad tribulos graves, viam purgativam obſidentes, quæ niſi tollantur ê medio, omnem acceſſum, ad viam illuminativam difficilem, ad unitivam verò penitùs reddent impoſſibilem. Ad has eradicandas accingat unusquiſque fortitudine lumbos ſuos,  
&



& in robore brachii sui provideat utrique  
 manui suæ de armatura ferrea ( ferreum  
 intellige propositum ) hoc est , ut non  
 convertatur , quousque penitus deficient.  
 Exindè poterit applicare curam suam ad  
 novam culturam , & omne semen verum  
 mandare terræ , cui benedicet Dominus ;  
 tunc germinans germinabit , & campi re-  
 plebuntur ubertate , & valles abundabunt  
 frumento. Adesto igitur anima , sive de-  
 sidiosa , sive parùm religiosa , converte  
 oculos ad te , & in te ; ad te quippe fa-  
 ctum est illud exprobativum , lancinans  
 aures tuæ , proverbiorum proverbium (a)  
*Per agrum hominis pigri transivi , & per  
 vineam viri stulti. Et ecce totum reple-  
 verant urticæ , & operuerant superficiem  
 ejus spinæ.* Audis hæc , si tamen aures  
 audiendi habes ; tu , tu es vinea hæc in-  
 culta , sylvescens & neglecta , tu terra  
 aggestis omni zizaniorum colluvie ac tri-  
 bulorum abominatione referta , faxi Deus ,  
 ut tandem cor induratum & insensibile de-  
 ponas , oculos aperias , & alta mente de-  
 plorandum tuum perpendas statuum. Cur  
 ita torpescis in via perfectionis ? cur sem-  
 per jaces , & non progredieris ? cur ? nisi ,  
 quia



quia tantis tamque periculosis peccatorum tuorum, quasi tot spinarum ac urticarum plagis præpediris & vulneribus. Si hæc nondum movent, aperi saltem aures meliori, cælestique Ciceroni, qui sanctiori suadâ intima cordis tui viscera penetrabit. Est ille non alius, quàm S. Joannes à Cruce Doctor Mysticus, qui in opere suo completo, Italicè nuper Venetiis excuso, part. 2. fol. 138. sequentia habet.

Quæcunque anima Religiosa, aut devota, brevi temporis intercapedine desiderat, pertingere ad sanctam recollectionem, ad spirituale silentium, ad nuditatem, ac paupertatem spiritûs; Ubi pacificum refrigerium, & Spiritûs S. delectabilis aura percipitur; ubi anima Deo unitur; semetipsam universis creaturarum extricet obstaculis, dæmonisque technas, & deceptiones declinet, nec non se ipsam à se ipsa, expediat: subjectisque se se documentis exerceat, oportet. Ubi notandum, tres infames dari impostores, qui identidemque zizania in agro cordis nostri seminant, urticâsque & spinas in vineas portant. Sunt autem nominatim Mundus  
De-

Dæmon, & Caro. Primus & cæteris imbecilior, secundus ad dignoscendum difficilior, & ad fallendum astutior; caro verò omnium pertinacior, cujus pugna in homine durat, quamdiu verus homo in illo perseverat, ut autem unum istorum perfectè expugnet, omnes tres vincat necesse est. Quatenus neuter alteri subsidio esse possit. Et juxta mensuram, qua unus eorum debellatur, etiam secundus & tertius enervatur. Ecce viam compendii, per quam sine cura extraordinaria, & absque multâ defatigatione pertingere vales, ad eminentem perfectionem, ad pacem sanctam, ad virtutem denique quamvis, eamque in summo gradu obtinendam. Quidquid enim damni anima religiosa sustinet, à capitalibus hostibus hisce sibi inferri, omnibus in confesso est. Proindè per subjugationem eorum perfectam, sedebit in pulchritudine pacis, & in tabernaculis fiduciæ, nec erit ultra occurrus malus, aut hostis, qui exterreat. Sed quia sine pugna non datur victoria, nec coronatur, nisi qui legitimè certaverit, triplici cautelâ contrà singuios hostium opus erit, qui castellò animæ suæ illos arcere, finesque ejus in pace possidere cupit.

*Con-*



*Contrà Mundum CAUTELA I.*

Ante omnia satage, æqualem erga omnes fovere & amorem, & oblivionem, siue consanguinei sint, siue extranei, alienare te oportet cor tuum tam ab illis, quàm ab istis, imò ab illis quodammodo magis, quia amor naturalis hos inter ordinariè amplius viget, ac carnem, ac sanguinem afficere solet. Hunc amorem incessanter mortificare debet, qui perfectionem spiritualem adipisci desiderat. Sit tibi, quivis hominum velut ignotus & alienus; hac enim ratione melius satisfacere obligationi tuæ erga illos, quàm si affectum tuum, soli Domino Deo tuo debitum, eis impendas. Iterùm dico, neminem alterò plùs diligas, secùs enim faciens, graviter errabis. Ille siquidem majori dilectione dignus est, quem Deus plùs amat, tu autem nescis, quem Deus magis diligit. Cæterùm si tu æquè omnium obliuisceris [prout decet illum, qui ad S. recollectionem, & introversionem tendit] immunis manebis ab errore amandi plùs, vel minùs, qui plùs, vel minùs amari meretur. Nihil cogitationes tuas cum illis occupes, nec circà bona, nec circà



circà malà illorum, sed quantum commodè fieri potest, omnes evita. Hæc si detrectaveris, bonus religiosus nunquam eris, nec ad S. recollectionem pertingere poteris, nec imperfectiones à data regula deviendo, declinabis. Quodsi hac in re tecum dispensare, & inclinationi tuæ indulgere præsumpseris, illusioni Sathanæ locum dabis, qui modò in hoc, modò in alio tibi imponet, vel tu ipsemet sub specie falsa boni, vel mali, impostor tuus eris. Econtra, si docilis datam cautelam observabis; à laqueis omnibus, qui ex inordinato creaturæ amore animam irretire solent, liber, & immunis manebis.

## CAUTELA II.

Secunda mundi cautela versatur circà bona temporalia. Quo circà, ut verè hujus generis nocumenta evitare, excessusque exorbitantes appetitùs moderare possis, ab òmni possessionis fortè te abstrahere, & abalienare, imò & abhorreere debebis. Nullaque rerum quarumcunque solitudine angi, non cibi, non vestis, non alterius rei creatæ, sed nec diei crastinæ. Hanc enim curam feliciùs super-

nis,

nis, & altioribus, quæ sursùm sunt, applicabis, esto fidelis Domino Deo tuo, ut quæras Regnum Dei, quod intrà te est, & justitiam ejus, reliqua omnia promittit tibi S. Evangelium adjicienda. Quomodo enim tuî obliviscerur, cui de animalibus etiam minimis tanta cura est. Juxtà hæc si feceris, silentium, & pacem sensibûs tuis consequêris.

### CAUTELA III.

Cautela hæc summopere necessaria est ad hoc, ut quis sciat cavere universa damna, quæ in Monasterio degenti possunt occurrere. Multi enim, qui cautelam hanc non practicârunt, præter bonum, ac pacem animæ suæ, quam amiserunt, etiam in multa mala, & peccata frequenter inciderunt. Quisquis ergo Religiosus esse, & religiosè intendit vivere, debet omni studio cavere, ne quid cogitet, ac multò minùs loquatur de his, quæ hinc inde in communitate contigêre; idem observa circa quemlibet confratrum tuorum in particulari. Hinc nec de illius conditione, vel indole, nec de illius verbis, aut factis, nec de modo conservandi

H

quid-

quidquàm notare, neque de cæteris ejus rebus, etiam sub specie zeli, in medium afferre te ullatenus convenit; nisi id fiat coram legitimo suo superiore, manifestandi gratiâ, cui jure competit, similia scire & judicare. Nunquàm scandalum patiaris, vel mireris, quidquid demùm videas, vel audias, sed animam tuam in omnigena oblivione omnium istorum immunem custodi. Licet enim inter Angelos vivas, multa tamen, quæ curiosius attendis, videbuntur tibi fortè non bona, eò quòd substantiam illarum non peneres. Sit tibi pro exemplo uxor infelix ipsius Lott, quæ, quòd in sodomitarum excidio conturbata retrospexit, visura, quid circa illos ageretur, punitione divina in statuam, & salis petram subitò conversa est. Quatenus ex hoc sapias, & inteliigas, Dei voluntatem esse, etiamsi inter Dæmones vivas, ad ipsorum actiones non attendere, nec cogitationum tuarum caput ad illas retorquere, sed omnia, tanquàm ad te minimè pertinentia; relinquere, hoc solum spectando, ut animam tuam coràm Deo puram conserves, eamque internè in ipsum transferas  
absque



absque eo, quòd vel minima cogitatio, vel reflexio ad alia te impediat. Interim pro certo habeas, nunquàm in communitate (quantùmvis Religiosa) defutura offendicula, cum Dæmones nec ibi desint, omnimodis satagentes, etiam sanctos subplantare. Id quòd Deus partim exercitandi, partim probandi gratiâ permittit. Tu ergò, nisi tibi juxtà allegata prospexeris, & non secus, ac si non esses, in Monasterio vixeris: quantùmvis allabores, Religiosus esse non poteris, neque ad S. nuditatem, aut recollectionem pertingere, neque latentia inibi damna subterfugere. Claude aures, quibùsvis rationibus, quovis sub motivo, vel fine aliud suadentibus. Alioquin non parùm impinges, & à Sathana deprehenderis, quin imò jam satis deprehensus es, quoties similibus distractionibus animæ tuæ aditum præbes. Memento, quid dicat S. Jacobus Apostolus 2). *Si quis putat, Religiosum se esse, non refrænans linguam suam, hujus vana est Religio.* Quòd non minùs de interiori, quàm de exteriori lingua intelligendum est.

### *Cautela contra Dæmonem.*

Tribus etiam cautelis uti debet, quisquis ad perfectionem verè aspirat, ut secundi hostis (Dæmonem intellige) ungues, & manus effugiat: quapropter notandum est, millenas inter fraudes, quibus Personas spirituales decipere nititur, ordinariam, magisque frequentem esse, qua sub specie boni, non verò sub specie mali illudit. Optimè quippe novit versipellis ille, neminem malum, sub ratione mali cognitum, unquam admissurum, nisi speciem aliqualem saltem boni, vel apparenter ei affingat. Idcirco nunquam non debes timere etiam id, quod apparet bonum, & tunc maximè, cum illud non præstas ex obedientia. Proinde tutum, & sanum erit, simili in re illius consilium sequi, à quo illud petere teneris.

### *CAUTELA I.*

Cautela igitur prima contra Dæmonem, ejusque spinas esto, ut nunquam ad aliquid agendum movearis [quod ex statuto ordinis tui facere non teneris,] quantumvis bonum, ac charitate plenum videatur, nec tibi, nec alteri, vel intrà,  
vel



vel extrà claustrum existenti, absque præscripto obedientiæ, meritum ac securitatem tribuentis. Sic enim procedendo proprietatem vitabis, Dæmonémque, & ejus, quæ ignoras, damna subterfugies, de quibus suo tempore Dominus Deus rationem à te exiget. Attende, ut hanc cautelam tam in parvis observes, quàm in magnis, alioquin non poteris, non à Dæmone decipi, sivè parùm, sivè multum, quantumvis rectè te agere arbitreris. Licet enim aliud non incurreres detrimentum, quàm non sequi in omnibus obedientiæ ductum, hoc ipsum satis notabile foret, siquidem notabiliter errares. Deo enim obedientia magis placet, quàm sacrificia. Aliundè etiam Religiosi actiones non ipsius, sed superioris sunt, quas si ab illo subtraxerit, tanquàm infructuosæ, & perditæ habeantur ab eo; ideoque caveat sibi à spinis istis.

### CAUTELA II.

Pro secunda Captela tibi sit, ut nunc Prælatum tuum [ quicumque ille sit ] aliter aspicias, quàm si aspiceres ipsum Deum, quippe qui tibi Dei vice datus est,

& in quo Deus semper præsens existit, & loquitur tibi. Ubi Nota, Dæmonem juratum omnis humilitatis hostem, hac in re se non parum ingerere. Cæterum si Prælatus tuum [ uti dictum ] intuearis, maximum inde lucrum, fructumque reportabis, sin minus, jacturam, & nocumentum immensum feres. Unde sedulo invigila, ne illius conditionem attendas, non modum procedendi, nec alias qualitates, vel rationes, alioquin divina in te obedientia in humanam cum plurimo degenerabit damno, solumque ad obediendum movebunt, motiva extrinseca, oculis externis sensibilibus occurrentia, non verò ipse Deus invisibilis, cui in persona superioris tui inservis: sicque obedientia tua nominalis tantum, & vana, minimè autem vera erit, eoque infructuosior, quò tu vel ob adversam Prælati tui conditionem plus gravaris, vel ob genio tuo gratam, & acceptam magis hilarescis. In veritate tibi dico, Dæmonem ob similes obediendi rationes maximam in Religiosis non paucis perfectionis stragem causasse, quorum omnium perexigui meriti, ac pretii obedientia est apud Dominum Deum,  
eò



edò quòd ad futes ejusmodi rationes ocu-  
los habuerint apertos. Claude igitur quan-  
to cyùs oculos tuos, omnesque contrà te-  
metipsum vires impendas, ut edò usque  
pervenias, quòd tibi perinde sit [ quan-  
tum ad tuum privatum spectat sensum ]  
urrum ille, vel ille Prælati locum teneat.  
Vice versa, nullatenus poteris esse spiritua-  
lis, neque vota tua fideliter custodies;  
sed fructus locò, terra tua spinas, tribu-  
lâsque tibi germinabit.

### CAUTELA III.

Tertia cautela, Dæmonem directè,  
quasi Aries potentissimus impugnans, est,  
ut seriò studeas, te ipsum jugiter in omni-  
bus, verbò, opere, & cogitatione hu-  
miliare, aliorum bonis ità, imò & plùs  
congaudendo, quàm tuis, cupiendo insu-  
per, ut omnes in omnibus præferantur  
tibi, & hoc sincero corde, hac enim ra-  
tione vñces in bono malum; hostem tu-  
um procul pelles; & cordis lætitiâ po-  
ssidebis. Maximè, si hæc præstare stu-  
des ergà illos, ergà quos minùs afficeris,  
quorùmq; conversatio magis tibi displicet.

Cæterum tibi persuadeas velim,  
quòd

quòd nisi hoc pacto te gesseris, nunquam ad veram charitatem pertinges, nec in ea progressum aliquem facies. Ama semper doceri potius ab omnibus, quàm velle docere etiam omnium minimum.

*Cautelæ contrà carnem & sensualitatem.*

*Aggrediamur modò generoso animo, & tertium hostem, si de nobismet ipsis, ac nostra sensualitate plenam desideramus reportare victoriam.*

**CAUTELA I.**

Pro prima cautela tibi serviat, ut tibi persuadeas, te alium ob finem non venisse ad Monasterium, quàm ut ab omnibus, & singulis, quasi totidem lapicidis exagiteris, & poliaris ab illis. Quare ut evadas imperfectiones, & inquietudines, quæ circà conditionem, & conversationem Religiosarum possunt contingere, utque ex quovis eventu fructum percipias, cogita, quotquot numeras confratres, ipsos non nisi officiales esse, & ministros [ uti & revera sunt ] ad dolandum, & mortificandum, tibi immissas. Et ab his quidem exercendus es pungentibus ver.



verbis, ab aliis perversis judiciis, & cogitationibus, à reliquis invisis actionibus, hisque omnibus ita te subjectum esse oportet, quasi esses lignum, vel lapis in manibus sculptoris, aut pictoris, aut deauratoris. Quòd si hoc non fidelissimè observeris, nec propriam sensualitatem, nec carnem superabis, nec Religiosis, ut par est, convivere poteris, sed innumera offendicula & proprio, & aliorum capiti, cum dispendio sanctæ pacis induces.

## CAUTELA II.

Secundæ cautelæ locò tibi sit, ut nunquam aliquid intermittas, ob gustûs, saporis, vel delectationis defectum, si ad Dei servitium illud fieri expediat: neque exequaris ob solam suavitatem vel delectationem, quàm ex eo percipis; nisi fortè illa æquè facere expediat, ac insipida. Profectò si ad hoc non enitaris, nunquam aliquam animi impetrabis constantiam, nec generosam magnanimitatem, sed semper in infirmitatibus tuis fixus hærebis.



### CAUTELA III.

Tertia cautela monet. Ut vir spiritualis non solum non operetur gustus, vel saporis gratiâ, sed insuper, quod, si quid jucunditatis vel delectabilitatis ipsa exercitia, quæ præ manibus habet, secum ferant, nec mente, nec sensu eis inhæreat, nec constituat finem in eis, nec pro causâ motiva habeat. Sed potius affectet, quod insulsum, quod asperum, quod amarum & laboriosum in eis occurrit. Hanc regulam sequendo amorem proprium & sensualem citò exterminabis, atque mirum in modum in amore Dei proficies. Igitur cautelas hasce semper ad manum habeas, quasi sarculum, stivam, & securim, quæ pessimas omnis generis spinas, ac tribulos, à terra cordis tui, maledicto cum primo Parente dudum subjacente, effodies, & amputabis, sic purgata, fiet apta, ut in sinu suo omne semen bonum & verum ad copiosissimam Messem recipiat, quod Doctor Mysticus ex salutaribus suis monitis mox abundanter pro cultura animæ tuæ suo ex sententiarario ministrabit. Ut autem hujusmodi cultura felicior, visque cautelarum activa efficacior



cior reddatur, ad fructuosissimum orationis mentalis studium & subsidium recurrendum est: quod subjecta monita ex operibus S. Joannis à Cruce, collecta omnimodis promovebunt.

*Necessitas Orationis.*

Cum oratio sit mentis in Deum elevatio, & nos juxta S. Paulum oporteat sine intermissione, & in omni locò orare, nunquam debes cordi tuo indulgere, ut se omninò in externa diffundat, ne quidem per spatium unius credo.

Nullatenus poterit Anima sine orationis adminiculo vim Diaboli vincere, aut infringere, nec sine humilitate & mortificatione illius imposturas penetrare, quia Oratio, & Crux Christi sunt arma Dei.

In omnibus necessitatibus nostris, in omnibus tribulationibus & difficultatibus nullum nobis tutius ac opportuniùs restat remedium, quàm orationis præsidium, & spes, Dominum Deum per media, suæ Majestati placentia, nobis in omnibus provisorum.

*Uti.*

*Utilitas Orationis.*

1. Sit Dominus Deus Sponsus, & dilectissimus Amicus animæ tuæ, cujus præsentia semper & in omni loco versetur ante oculos tuos, & in omni re; hac recordatione horrorem peccati nunquàm perdes; amare disces; & in omnibus prosperum successum habebis.
2. Intrà interiora cordis tui, & ibi in præsentia Sponsi tui age, quidquid agis, qui nunquàm cessat tibi benefacere, teque habere præsentem.
3. Satage jugiter stare in conspectu Dei tui, & conservare puritatem cordis tui, quàm ipse te docebit.
4. Mediante oratione expellitur ariditas, augetur devotio, & anima interiori virtutum exercitio identidem se ipsa melior evadit.
5. Noli attendere ad aliorum defectus; custodi silentium; habeto jure commercium cum Domino Deo tuo. Hac viâ eradicabis magnas imperfectiones ex anima tua, sublimiùque virtutum thesaurò potieris.
6. Brevis videtur animæ omnis oratio, facta in pura & simplici intelligentia,  
circà



circà Dominum Deum suum, quantumvis diù multumque duret. Et hæc est brevis illa oratio de qua dicitur, quòd cælos penetret.

*Qualitas Orationis.*

10. Noli occupare sensus & potentias in rebus externis, sed illas solum, quæ pro tunc carere non potes, cæteras dissocupatas reserva pro Deo tuo. Procede in omnibus cum advertentiâ & attentione ad Dominum Deum tuum, & cave, nè velis aliquid sentire vel intelligere in specie & particulari quæ suprâ te sunt.

11. Non cesses ab exercitatione ista, quousque ad talem statum pertingas, in quo omnia creata nullius momenti æstimes, nec tu ab illis plus æstimari desideres, ut in omnimoda omnium oblivione solus cum solo Domino Deo tuo maneat in secreto solitudinis tuæ.

12. Qui coercet desideria sua ne suo pondere opprimant spiritum, ille expeditus erit ad volandum in sublime, sicut avis benepennata.

13. Non apponas cor tuum in alia re pascere, nisi in solo Deo, sperne & dedignare

dignare omnia alia ; quare pacem & re-collectionem internam cordis tui.

14. Quare legendo, & invenies meditando, voca in te orando, & non eris multum difficilis in contemplando.

15. Verus Spiritus, veraque devotio consistunt in perseveranti oratione, cum humilitate, patientia, & dissidentia sui ipsius, cum affectu & desiderio Soli Deo placendi.

16. Illi benè orant, qui in oratione sua solum petunt, quæ sunt magni momenti, & concernunt suam æternam salutem.

17. Remedium, obtinendi à Deo, quæ volumus, non est melius, quàm rogare tota cordis & orationis intentione ea, quæ Divinæ Magestati sunt magis accepta: hoc modò non solum impetrabimus salutem, quàm petimus, sed & reliqua, & nos, & nostra concernentia, etsi ista minimè petimus, nec in mentem veniat, ut petamus.

18. Notet sibi benè quævis anima, quòd licet Deus non statim exaudiat preces suas, nec succurrat, non despondeat animum, quoniam tempore opportuno id præ-



præstabit, si tamen perseveraverit, & à statu bonæ vitæ non exciderit.

*Motiva ad orandum.*

19. Quandò voluntas per id, quòd mediis sensibilibus gustosum & delectabile recipit, se se elevat, ut delectetur in Domino, eoque utitur, ut motivo orandi, nullatenus debet illud rejicere, sed potius per exercitium adeò sanctum facere proventum, quia tunc sensibilia serviunt ad finem, ob quem à Deo sunt creata, hoc est, ut per illa magis cognoscatur, ac amplius ametur.

20. Qui habet sensum, ab omni affectu ad terrena purgatum, & usque ad primum etiam motum spiritui subjugatum, illi licet de saporosa Dei advertentia, & ejus contemplatione delectari.

21. Quandoquidem juxta bonam Philosophiam, tale est vivere cujuslibet rei vivens, quale est ejus esse: hinc sequitur, quòd, qui post mortificatam vitam animalem acquisivit esse spirituale, quòd inquam sine ulla contradictione illud totum debeat impendere Deo suo.

22. Omnis anima devota principaliter affigit suam voluntatem rebus invisibilibus, & ideo indiget paucis imaginibus, nec utitur, nisi solummodo iis, quæ magis assimulantur divino quàm humano modo, sèque illis conformat, ita tamen, ut illas sibi repræsentet juxta conditionem futuri, non præsentis sæculi.

23. Fides & devotio sunt, quæ primario in imaginibus desiderantur, hæc si desint, ipsæ imagines parum, vel nihil ad rem faciunt. Quæ magis viva Imago fuit Mundo, ac noster Salvator? Et tamen, quia carebant fide & devotione multi sequacium, fructum nullum reportarunt, etiam post visa tanta mirabilia, quæ in illorum præsentia operatus est Dominus.

#### *De Loco Orationis.*

34. Provideas tibi de re unica, de qua plurimum interest, & importat vix non omnia: & est non alia, nisi solitudo sacra unâ cum lectione divina. Ibi persevera excludendo à te omnia, curæ tuæ, vel officio non incumbentia. Quoniam plus Deo placet, si steteris super tui custodiam



stodiam in perficiendo temetipsum, quam si lucrifaceres; te neglecto, simul omnes alias. *Quid enim prodest homini, si mundum universum lucretur, animæ vero suæ detrimentum patiatur?* Matth. c. 16.

25. Purificatus Spiritus non se immiscet alienis rebus, nec casibus attendit humanis, sed in solitudine interna, ac separatione ab omni creatura, in dulci & saporiflua requie communicat cum Deo suo. cujus cognitio nullibi melius acquiritur, quam in hoc divino silentio.

26. Pro commodiori orationis exercitio illum tibi eligas locum oportet, qui minus te distrahit, & impedit in ambulando & conversando cum Domino Deo tuo.

27. Locus orationis non debet esse amœnus, nec sensui delectabilis (prout nonnulli sentiunt) ne recollectio spiritalis degeneret finaliter in recreationem sensualem.

28. Qui intendit cum fructu peregrinari ad aliquem locum sanctum devotionis gratiâ, id faciat, quandò ille locus vacat à turba, & hominum copia (hoc secundum meum consilium;) etsi non videatur

tur esse de tempore, & festum illius jam transierit. Quia propter occurrentia impedimenta votus aridus, & absque sensu devotionis talis sæpè invenietur; sicque cum pluribus distractionibus recedet, quàm accessit. Addendo, quòd multirecreationis potius, ac curiositatis, quàm devotionis gratiâ ejusmodi peregrinationes instituant.

*De impedimentis orationis.*

29. Qui sinè causa exercitium cursumque abrumpit orationis, similis est actu habenti, sed imprudenter dimittendi aviculam de manibùs suis, quia sine difficultate non recuperabit eam.

30. Quandoquidem Deus est Ens inaccessible, non te debes detinere in objectis, quæ à potentiis tuis possunt comprehendi, vel sensibus attingi. Ne dum anima tua quærit satisfactionem suam in ejusmodi vilibus & infimis rebus, perdat activitatem & agilitatem requisitam in ordine ad tractandum expeditè cum Domino Deo suo.

31. Estomachare super omni re, non habente substantiam spiritualem, & ejice illam





illam ex anima tua, quia si retineas eam, perdes omnem gustum devotionis, ac recollectionis.

32. Qui multum innititur sensui corporali nunquam plenè spiritualizabitur, & ex hoc capite multi errant, existimando, per solam vim sensûs se posse fieri viros magni spiritûs.

33. Omnis prætendens in oratione sensibiles gustus & delectationes, apertum de semetipso, de imperfectione veræ devotionis dat testimonium.

34. Musca Melli pedes cum rostro affigens impeditur ab expedito & prospero volatu; & anima, quæ plus æquò spirituali inhiat dulcedini ponit libertati spiritûs & contemplationi obstaculum.

35. Qui non est dispositus ad orandum in quolibet loco, sed solum in illo, qui est ad gustum & genium suum, persæpè hallucinabitur, & deficiet in oratione sua, quia juxta commune proverbium, non scit legere, nisi in unico vulgari suæ villæ libro.

36. Cui deficit libertas spiritûs in rerum sensibilibus gustu, ita ut non serviant ipsi pro motivo orandi, sed potius voluntatem

tem suam in eis pascendi : huic erunt impedimento in via Domini, & ob hanc rationem debet sibi non parùm cavere ab usu illarum.

37. Magnæ insipientiæ convincitur, qui ex absentia suavitatis & gustus spiritualis iudicat sibi deesse Deum, vel ex præsencia illius credit se se unâ cum ipsâ possidere eum.

38. Non pauci, etiam ex spiritualibus, occupant sensus suis in bonis sensibilibus cum protestatione, se velle incumbere orationi, mentemque elevare ad Dominum Deum suum. Hoc autem non est orare, sed magis se, quàm Dominum Deum recreare.

39. Omnis Sancta meditatio ordinatur ad contemplationem tanquàm ad finem, hoc autem acquisito debent cessare media. Viator fatigatur in itinere suo, quando verò semel existit in termino, non ultrà fatigatur, sed quiescit in illo. Eodem modò, quando adest contemplatio, fruire, quiesce, & faceßat meditatio.

40. Sicut nonnunquam cor venit astringere suo tempore à discursu intellectus & meditatione, ne ejus continuatio oranti sit impedimento : sic ante tempus non  
est

est abstinendum ab ea, ne abeat retrò anima, & desistat ab oratione incepta.

41. Tria habentur contemplationis, ac recollectionis internæ indicia. Primum est, si anima nullum in transitoriis percipit gustum. Secundum, si delectatur silentio & solitudine, nitendo semper ad maiorem perfectionem. Tertium, quando discursus & meditatio illi sunt impedimento, quæ ante fuere adjumento. Hæc autem omnia debent concurrere simul & unita in contemplatione vera.

42. In ipso contemplationis principio non percipitur amorosa de Deo notitia, tum, quia est valdè subtilis, delicata, & quasi insensibilis, tum, quia anima est assueta, & imbuta habitu meditationis, magis sensibilis.

43. Quò plus studet anima vivere disoccupata & quieta, tantò plus augebitur in ea amorosa contemplationis notitia, magisque percipietur, & plus gaudebit de ea, quàm de omni alia re, quia generat pacem, requiem, saporem, ac delectationem absque labore aut fatigatione.

44. Qui jam fecere transitum ad statum contemplationis, nullatenus sibi per-

suadeant se debere , declinare semper usum meditationis , aut non procurare illam , siquidem à principio illorum profectus , non est adeò adultus ipse habitus , ut cum secundum placitum suum possint pro libito reducere ad actum , nec sunt à meditatione tam remoti , ut non possint , quodóque , ut solebant , exercitare illam.

45. In omnibus exercitiis suis ( excepta contemplatione ) in omnibus actibus & operibus debet anima præstò semper habere bonas meditationes , juxtà exigentiam & mensuram devotionis suæ , specialissimè de vita , passione , ac morte Salvatoris sui , Jesu Ghristi , cum intentione conformandi se se illi pro posse in omnibus , & quo ad omnia.

46. Quinque conditiones in passere solitario ( scilicet Hispanico ) requiruntur 1). Extraordinaria volatus sublimitas. 2) Solitudo , & tanta , quæ non sustinet ullam societatem 3), quòd rostrum erectum teneat versùs auram 4). Quòd non habeat fixum & determinatum colorem 5). Quòd cantum emittat suavissimum. Eadè conditiones requiruntur in anima contemplativa. Scilicet , ut suprà transitoria omnia





omnia se se elevet , non pluris illa faciendo , ac si penitus non essent ; ut sit amica silentii & solitudinis , recusando omnigenam creaturæ , cujusvis consuetudinem & societatem ; ut cor sursùm semper erectumque teneat ad auram Spiritus sancti , & ejus inspirationes ; & tali modò magis dignam se faciat illius contubernio ; ut sit absque stabili & determinato colore , sed stet in omnibus ad beneplacitum sui Creatoris. Denique , ut in contemplatione & amore Domini Dei sui tota in suavissimas sine voce laudes ejus resolvatur.

47. Etiam si anima in summo contemplationis gradu , & simplicissimo intuitu divinitatis non recordetur sanctissimæ humanitatis Christi , eò quòd eleve-  
tur spiritus à Deo ad cognitionem omninò supernaturalem. Non tamen oportet , ut adhibita diligentia ac data operâ ejus oblivionem procuret. Quia mediante visione & meditatione illius , quasi dato impulsu facillimè ad altissimam unionem quandòque ascendet. Quoniam Ipse Christus Dominus est via , veritas , porta , imò duxque comesque ad omne Bonum.

48. Verùm tamen in his omnibus magistro & directore opus est animæ aspiranti ad felicissimum orationis & meditationis exercitium, sine quo nulla pertinet ad perfectionis fastigium. Ipsius est tanquam directoris ponere pedes, commissæ sibi animæ in via recta, cavendo, ne tantis occurrentibus spinis graviter vulneretur; ipsius est, ut magistri spiritualis docere manus ejus artem, qua universa tribulorum & urticarum pestis (id est vitia quævis & defectus) successivè eradicetur, ut ex sequentibus patebit.

*De magistro spirituali.*

*Anima sine Directore & Magistro similis est carboni, qui, quantumvis ardeat & luceat, non subsistet; si solus est, & alteri non jungatur, frigescet & extinguetur.*

49. Qui sine duce incedere præsumit in semita salutis & perfectionis, ille, comparabiliter arbori plantatæ in campo, vel secus viam, quæ eò ipso, quòd sine custodia sit, cuivis rapaci manet exposita manui, nec fructus ejus perfectam attingent maturitatem.



50. Arbor sub assidua existens cura & cultura Domini & Patroni sui, expectatos affert suo tempore fructus in copia.

50. Qui solus cadit, etiam solus manet in ruina sua, lexi guam habens æstimationem de anima sua, quia suæ eam committit directioni.

51. Cæcus, qui duc trice m manum deserit, mox cadet, & non statim surget, quod si etiam surgat, quia cæcus, & solus est, nescit planè quo vadat.

51. Si non times cadere solus, quomodo præsumis resurgere solus? recorre dare plùs posse duos quàm unum, quia virtus unita fortior.

52. Non dixit Christus Dominus in suo sancto Evangelio, ubi est unus solus, ibi sum ego, sed ubi ad minùs duo sunt congregati, in medio eorum sum. Volens per hæc nos intelligere, quòd in rebus divinis aut magni momenti, nullus per se solum aliquid determinet, sine consilio Ecclesiæ & ministrorum ejus.

53. Væ soli exclamat spiritus sanctus, & ideo tam necessaria est animæ directio magistri, quia in duobus faciliùs resistent diabolo veritas sapientiæ, & operationis.



Adeò placet Domino Deo, hominem per hominem gubernari, quòd absolute non velit plenam fidem adhiberi rebus supernaturaliter communicatis, donec approbentur ab hominibus, quibus convenit.

54.º Quandò Deus aliquid animæ revelat, continuò disponit ipsam, ut illud manifestet Ministro Ecclesiæ & Directori suo, quem ad hoc pefuit, ut vices suas in ea gerat.

55. Non debet obvius quisquis sibi arrogare directionem animarum, aut applicari ad illam, quia res est maximæ importantiæ in negotio adeò gravi, semper procedere, uti oportet.

56. Omnis anima proficere desiderans, bene attendat, quibus manibus se se in hoc passu committat, sicquidem talis erit discipulus, qualis est & ipsius magister; talisque solet esse filius, qualis est & ipse Pater. Et de facili imbibit, sibique imprimit discipulus mores, inclinationes, affectionesque sui magistri.

57. Magister & Director spiritualis antè omnia debet allaborare, ut integrum sensuum & appetituum mortificationem suo  
in-



inducat discipulo, quatenus ab illis evacuatus, in libertatem asseratur ex tam miserrabili servitute.

58. Quid prodest alta doctrina, quid polita Rhetorica, aut styli elegantia? juxta mensuram spiritus vigentis in directore, erit & in discipulo profectus.

59. Actio viva, instructio sedula, lingua soluta, tunc demum insignem causant in auditore effectum, quando sunt vero & copioso spiritu animata, hoc deficiente, aut nullus, aut modicus erit fructus, calorque in eo, nihilque remanebit, nisi vana aurium titillatio, & sensualis complacentia.

60. Rara admodum avis Director, in quavis via perfectionis, omnibus numeris consummatus, qui scilicet sit sapiens, discretus, habensque scientiam experimentalem.

61. Discretio & scientia quidem fundamento sunt in Spiritus directione prædicta, si verò hæc non comitatur, & ipsa experientia, nunquam bene, nec ad perfectionem, nec ad vocantem Deum dirigetur anima. Quia aut hærebit in via, aut pedem retrò movebit, si director

ctor solum imbuere eam de iis, quæ ipse legit, non tamen & ipse fecit.

62. Constitutus talis in officio, bene attendat, oportet, ut sit bonus administrator in eo; quod si temerè erraverit, juxta qualitatem damni, & erroris, erit & mensura castigationis, quoniam Dei negotia, quale est animarum directio, magna cum cautela, curâ, ac consilio sunt tractanda.

63. Alter, quasi S. Paulus sit, necesse est (factus omnibus omnia, ut omnes lucrifaciat) quique habeat scientiam omnium viarum Dei, per quas ille suas ducit animas, quæ adedò inter se discrepant, ut una cum altera vix [uti & in illa ambulans spiritus] dimidia ex parte conveniat.

Denique, cum præcipuus honor, qui potest exhiberi Domino Deo, in eo consistat, ut ei serviamus secundum perfectionem Evangelicam, perfectio autem Evangelica magna ex parte sit in oratione continua, *quoniam oportet nos semper orare, & nunquam deficere. Matth. 16.* Hinc consultum duxi, coronidis hoc opusculo apponere media, quæ pro habitu

ora-



orationis assequendo suggerit S. ac Sera-  
phica Mater Theresia, quatenus per bo-  
nam orationem vocalem sensim pertingat  
anima ad mentalem, quæ, etiam teste S.  
Joanne à Cruce soliloquio 8. per frequen-  
tatas, easque devotas aspirationes virtu-  
túmque actûs unâ cuni ipsis acquiritur.

*Praxis orationis per frequentes actus tum  
in-tum externos : sive aspirationes ad  
Dominum Deum nostrum, pro impetrandis  
diversis virtutibus ex universis ope-  
ribus S. Matris Theresiæ potiori  
ex parte collectæ. à R. P. N. Joseph  
à J. M.*

#### ACTUS PERFECTÆ CONTRITIONIS.

Domine Deus piissimè & clementissimè  
meus, qui non cessas vocare peccatores  
ad pœnitentiâ, ut indulgeas eis illorum  
& veniam : ah ignosce, ignosce, & di-  
mitte mihi peccata mea & offensas omnes  
meas : Da quæso mihi cordialem dete-  
stationem & horrorem unâ cum intimo  
dolore circâ illas, lucémque, mediante  
qua cognoscant tanta, quæ perdidici bona,  
privando me illorum gratiâ, omni pace  
in-

interna & consolatione, quæ secum affert  
jugiter bona conscientia. Perdidi prò do-  
lor ! perdidi omnem grætiā & amicitiam  
tuam, perdidi participationem propieta-  
tum tuarum, quæ per dona & fructus spi-  
ritûs sancti cuius animæ justæ solent com-  
municari : perdidi denique hæreditatem  
beatitudinis, inducendo mihi reatum æter-  
næ damnationis. Fac obsecro, ut do-  
lor iste sit non major, quàm decet pro  
jactura istâ, quantumvis magna, sed ma-  
ximus propter temetipsum gravissimè im-  
mensa ingratitude offensum, qui es fons  
omnium bonorum, & remedium omnium  
malorum, datôrque omnium, quæ habui,  
actu habeo, ac quæ tam in hac, quàm  
in futura vita potero habere. Certè si  
esset possibile, me strictissima gratitudinis  
obligatione, quàm habeo erga te, non  
obligari, nihilominus ob summam mali-  
tiam discordantiâque, quàm omnis gra-  
vis primæ veritatis, infinitæque bonita-  
tis offensa includit [utpote contrà Crea-  
torem, Redemptorem, ac Glorificato-  
rem meum summè amabilem, commissa]  
fas esset omninò, me maximò nunquam  
non affici dolore ac displicentia. Sicuti  
&





& actu doleo, mihi que displice omnimodâ detestatione, protestando ex toto contrito corde coram te, cum firmissimæ emendationis præposito, contrâ beneplacitum tuum, me nihil unquàm admissurum. Et sicut hoc facio cum diffidentia infirmitatis, ignorantia, ac malitiæ meæ, sic erigit me spes & confidentia in te, me certò certius impetraturum, quòd supplex, & instanter rogo à te; qui scis, vis, & potens es, faciendi ex Mancipiis Diaboli, filios Dei, sic credo, sic spero, fiat, fiat Amen.

*Actûs Mortificationis, tam in-quàm  
externæ.*

Potentissimè moderator sensuum omnium, ac potentiarum animæ meæ, ecce ego tibi offerro, & sacrifico illas cum omnibus motibus etiam primò primis, ac actibus quibuscunque suis, cum determinatione seria, procurandi cunctuo favore & assistentia, quòd non sit deinceps actus liber in me, etiam usque ad ictum oculi, motumque manûs, pedis ac linguæ; imò me sion committurum, ut vel in imaginativa vel in phantasia mea sit minimum,  
quid

quid, non regulatum à recta ratione, vel discordans à sanctissima voluntate, vel beneplacito tuo, quoddamque non teneat invisceratum horrorem sui, mortificationemque naturalis, & inordinatæ inclinationis, prout desideras videre in squacibus tuis. Omnes species, similitudines, ac imagines rerum omnium visibilium, intrantes per portas sensuum meorum, mihi servient non nisi pro scala, ascendendi ad supernaturalia. & invisibilia, super omnia ad te Dominum Deum meum. Qui ad hunc finem ordinasti illa, tanquam medium connaturale & proportionatum nostro modò operandi in hac miserabili vita, largire mihi ad hoc gratiam tuam copiosam. Amen.

*Actus temperantiæ passionum  
nostrarum.*

Potentissime hominum Rector, pone quæso frænum passionibus meis, quæ toties alteratæ, turbant animam meam, & insultibus violentis deprimentes, legem ei dicunt. Adsit proinde fortissimum brachium tuum mihi notoriæ Peccatrici in auxilium, succurre huic incatenato appetituum



titum suorum mancipio, quatenus mediante tuo favore mitescant, & ita sanentur, ut non remaneant in me, nec amor, nec desiderium, nec gaudium, nec delectatio, nec dolor, nec tristitia, nec timor, nec ira, nisi juxta ordinem & mensuram beneplaciti tui, in quantura scilicet possunt esse hortatores, comites, ac executores fideles omnis sacrosanctæ voluntatis tuæ. Conforra me Domine, ut tam continuos, tam subtiles, æquè ac potentes motus, & impressiones semper egrediantur à me, tanquàm ab agente cum perfecta abnegatione, sic volo, sic desidero; sic rogo, sic propono, da ut efficax sit propositum meum. Amen.

*Actus Evangelicæ abnegationis.*

Domine Deus meus, cujus essentia ubique latens; nobis patet ubique per Potentiam, & mirabilia magna nimis, quæ jugiter operaris, à te siquidem omnia quæcunque existunt, esse recipiunt, & vires juxta exigentiam suam ad agendum. Tu es centrum animæ meæ, & fons omnium bonorum meorum: concede mihi potentias totaliter mortificatas. Semper adsit



miserericordia tua actuando memoriam meam per præsentiam tuam, illustrando intellectum per eminentissimam sapientiam, & inflammando voluntatem meam solo amore sancto tuo. O magnes divinissime cordis mei, insipita vi ac virtute tua trahere, converte, & recollige ad te omnes vires & potentias meas. Ut nihil sit, quod retardet illas, quod minus per continuos, eosque perfervidos actus appropinquent ad te, donec copulentur strictissima unione perfectaque transformatione, & annihilatione mei coram divinissima essentia tua. Ad hoc adjuvet me gratiosa assistentia tua. Amen.

*Actus recollectionis internæ.*

Dilectissime Doctor, ac Ductor animæ meæ, corrige cogitationes meas per simplicitatem atque perfectam puritatem, ut ex nunc non occupem illas, nisi solum aut in te, aut in iis, quæ proximius unâ mecum appropinquant ad te. Sint verba mea semper examinata ad stateram S. veritatis tuæ, atque interno dictamini spiritus tui conformia, sint inopunia ab omni curiositate, fraude, mendacio, præsum-





sumptione, & vana gloria, sint remotissima ab omni iniustitia, ab omni defectu charitatis, atque sinceritatis, sint denique potius tua, quam mea. Ac si essent à sanctissimo ore tuo prognata. Eodem modo res se habet circa opera mea, quantumvis minima. Da mihi Domine mi dilectissime, ut sint facta in charitate & amore tui, ac proximi mei; ut concordent cum lege tua, sintque unita cum operibus Christi tui, quatenus tali modo maiorem accipiant valorem ex tui imitatione, amore, ac perfecta resignatione, quasi orta ex te; habeantque pro fine jugiter ac perseveranter gloriam tuam, juxta ipsius formam & normam. Et ad hoc per te dirigam omne studium meum, & omnem intentionem meam. Amen.

*Actus resignationis ad crucem,  
& passionem.*

Absit à me, innocentissime JESU, pro me crudelissimis manibus crucifixe, ut ego mihi eligam crucem aliquam ad mensuram generis, & desiderii mei, sed tibi causam hanc meam penitus committo, nil magis optans, quam, ut cum omni resignatione



& sufferentia vivam & moriar in cruce secundum dignissimam providentiam ac dispositionem tuam. Fiat mecum juxta voluntatem tuam, non meam: moriatur & crucifigatur in me omnis inclinatio propria, omnis ratiocinatio & affectio, omnis prudentia carnis cum toto amore proprio. Horreat licet tota natura, tergiversetur, declinet, quantum potest, & velit aspectum & nomen crucis, nil interest, tu Domine affligens me, non parcas mihi: Ideoque incipiam a modo me perfecte mortificare in omnibus occurrentiis, idque ut assequar, animabit me, & versabitur semper ante oculos meos crucifixus amor meus, patiens & moriens duos inter latrones. Hæc imago dolorosa me stimulabit ad extirpandam pessimam sensualitatem meam: hæc dulcescere faciet mihi omnem amaritudinem meam. Fac quæso Domine, ut totaliter mihi mortuus tibi vivam. Amen.

### *Actus Humilitatis.*

O humillime Jesu, virginitum omnium, summæque humilitatis & exemplar & præmium, qui pessimo Barrabæ non modo com-  
pa-



parari, sed & posthaberi non recusasti, ut  
vel hoc exemplò discamus, tandem hu-  
miles esse corde: concede mihi in ordine  
ad eam assequendam, profundissimam sum-  
mæ nihilitatis meæ cognitionem, affe-  
ctuosumque desiderium vivendi in veri-  
tate, exigente me tanti ab omnibus æsti-  
mari, quanti me æstimabilem coràm te de-  
prehendo, imò quanti tu me [ qui per  
omnia nihil, nihil, nihil sum, nisi pec-  
cator maximus ] æstimabilem judicas. Tali  
modò de mea prudentia, habilitate, ac  
sapientia, cæterisque donis tuis [ quæ in-  
dignissimus gratis accepi à te ] non infla-  
tus vanè mihi complacebo. Nec ultrà  
idolum proprii amoris mei, aut honoris  
deceptus adorabo. Cum præjudicio  
omnis, tibi soli debiti, honoris.  
Sic exemptus à crudelitate tyrannorum  
istorum libero passu, filiali que affectu in om-  
nibus, & per omnia quæram gloriam tu-  
am. Agnosco certè, & confiteor eam  
omnem ex aſſe tibi deberi, quia quidquid  
boni cogito, vel facio, id totam tu ipse  
principaliter operaris in me. Proinde tibi  
& titulò justitiæ, & gratitudinis ergò de-  
betur; si quid boni unquam inventum est



in me. Sit proinde ex hoc puncto resolutio finalis, ut tibi omnem honorem, & gloriam, uti par est, adscribam: mihi autem pro me omnem vilipensionem [pro ut & mereor] eligam. In hoc gaudebo, & exultabo, quamdiu & vita, & gratia tua comes mihi erit. Amen.

*Actus Fortitudinis.*

Largire mihi Domine, omnis virtus, & fortitudo mea, gratiam magnanimitatis, qua omni difficultati, & occurrenti adversitati fortiter pectus offeram, cum sancto mei ipsius odio, quo addiscam, cum pace, & animi æqualitate sufferre omnes pœnalitates ac oppressiones, quæ vel ex parte mea, & naturali conditione, vel aliundè per manus creaturarum tuarum (te sic misericorditer pro mea exercitatione ordinante) obveniente. Corrige in meliùs Domine, in dies animum meum, ut manus ultrices mihi met ipsi injiciam, ad amputandum à me, quidquid tibi displicet in me. Quoniam illius erit, & victoria, & gloria, propter quem suspicatur incruenta hæc pugna. Quod si vel metus, vel pusillanimitas exerat caput, succurre  
tu





tu mihi fortitudo mea, ut prosequar, & perficiam per te, quod incepti propter te. Quia licratum, & fixum stet, non obstante, quocunque periculo vei jactura, sive sanitatis, sive vitæ, sive honoris. Præponderet in omnibus servitium tuum, & gloria tua, succumbat interesse carnis, & commoditas mea, sic oro fiat. Amen.

### *Actus Justitiæ.*

Sapientissime & justissime Distributor bonorum, quæ aperta semper, ac largissima manu dispergis inter quasvis creaturas tuas. Ah concede animæ meæ usum perfectum justitiæ, ut justificata & ipsa semper satisfaciat obligationi suæ, quam habet super se, tribuendi scilicet, cuilibet quod suum est, tibi in primis quod tuum est, deinde proximo suo, sive superior sit, sive æqualis, vel subditus: denique & mihi, quod secundum Evangelicam doctrinam tuam pro portione mea justa mihi competit. Hoc enim conducit ad veram pacem, cum omnibus tribus habendam. Doce me Domine, Magister optime, semper procurare bonum commune & generale, sic namque magis

glorificabitur nomen. S. tuum : si cum prudentia spiritus propter te recedo â rationibus meis , quoties occasio postulat : si corrigo tam in me , quàm in aliis [ quantum mei fori est ) transgressiones cognitatas ex utrâque parte. Ita tamen , ut in neutra correctione vel sit defectus , vel excessus. Hæc peto â te Domine , da , ut quod fideliter petimus efficaciter consequamur.

### *Actus Castitatis.*

Purissime JESU , animarum sanctarum amator fidelissime , auctôrque omnis puritatis , fac obsecro , ut in medullis & visceribus meis totaliter destruaturs omnis inclinatio sensualis, Et quoniam mihi donasti partem adeò nobilem , spiritualem , capacemque puritatis , qua gaudent ipsi Beati , concede mihi , ut ex hac hora sim sedulus imitator illorum , quatenus mediante gratissima hac virtute & ipsis , & tibi evadam similis : quod si in me se se insinuant contrariæ ac pravae passionés , non aliter illas aspiciam , nisi sinistro obtutu , & quasi totidem carifices , â divina justitia mihi in vindictam præteritarum

rum

rum transgressionum, & coinquinationum  
meorum immisſos, ad me torquendum,  
& martyrizandum, ut hac in fornace fu-  
ſoria purificetur anima mea, & per impor-  
tunos hoſce exactores identidem exagitata,  
non iuis velis, ſed tuis volare pennis :  
diffidensque de ſe, in tua ſola diſcat ſperare  
gratia. Per quàm vera acuuntur deſide-  
ria, multiplicanturque nova, & firma  
novæ puritatis propoſita : ſuggere, tu  
Domine piſſime, media quibus altiſſimas  
radices virtus hæc ſpecioſa agat in infir-  
ma mente mea. Amen.

### *Actus Paupertatis.*

Domine DEUS meus, Creator  
totius univerſi, qui cælum & terram or-  
natu tam multiplici decoravi, factus  
autem homo, paupertatem ſummè ada-  
maſti. Hoc ſordidum probat ſtabulum,  
hoc vile præſepium, hoc omnis ratio vi-  
tæ tuæ, & crucis monumentum. Fiat  
cor meum pariter plenum S. Paupertate,  
& evacuetur ab omni terrenno impedi-  
mento, quatenus cuncta vota & deſide-  
ria mea non ſpirent, niſi inopiam & ſpi-  
ritus nuditatem. Huius amore cupio  
etiam



etiam in usu ipsæ eorum, quibus licitè possum frui, parcus esse, & pro posse abstemiùs; ponendo felicitatem meam [juxtà datum mihi exemplum] in perfectà evangelica paupertate, ita, ut & defectum in necessariis etiam æquanimiter ferendi paratus sim. Hoc est Domine, quòd supplex rogo, tanquàm dispositionem importantissimam, mediùmq; omninò conveniens, pro impetranda vera spirituali nuditate. Quia sic exuendo me, possidebò te, & relinquendo totum, inveniam totum: & tunc dicam tibi, imò & cantabunt jugiter, omnia ossa mea, *Deus meus & omnia.*

### *Actus Obedientiæ.*

Obedientissime JEsu usque ad mortem, mortem autem crucis, doce me imitari te in perfectà obedientia non solum in iis, quæ in lege sancta tua, in consiliis evangelicis tuis, internisque inspirationibus, facienda reliquisti, sed etiam in iis, quæ superiores mei, vel directores animæ meæ, quos tu mihi vicarios tuos posuisti jusserrint, vel mecum ordinaverint: fac me Domine subjugarè proprium videri, & pru-





prudentiam meam per secretam, subli-  
mem ac securissimam sapientiam, in obe-  
dientia sancta inclusam. Fac re punctua-  
lissimè implere, & quæ modica sunt, &  
quæ magna sunt cum omni perfectione,  
non attendendo curiosè, nec ad præci-  
pientem, nec ad rem præceptam, sed  
tuam sanctissimam voluntatem & ordina-  
tionem pede cæco sequendo, quæ inter-  
nis semper ingeminat auribus meis. Qui  
vos audit me audit. Ita Domine, audiam  
& obaudiam, ut tibi semper placeam.  
Amen.

### *Actus Fidei.*

Domine JESU Christe Alpha & Omega  
fidei sanctæ, iadulge mihi fidem vivam,  
& firmam; non informem, sed bene actua-  
tam & perfectam, illam scilicet, quàm tu  
ipsemet magnam vocâsti, quæque omnia  
obtinet, méque in omni occasione regat,  
& gubernet. Ne fallacibus rationibus  
prudentiæ humanæ decipiatur, vel dimi-  
nuatur prudens subiectio, servitûsque in-  
tellectûs mei, aut respectus perfectus ad  
infinitam, & p'us quàm certam sapientiam  
tuam, quæ in illa, & in illo, qui magis  
ap-

approximat ei, invenitur. Dona mihi unâ cum illa & Comites ejus, scientiam inquam, consilium, intellectum, & prudentiam, ut ampliùs perficiatur per illas, sintque mihi in adjutorium, quoties aliquid occurrit discutiendum per rationem aut discursum proprium, vel per fidem & subjectionem ad illam. Tunc stet semper electio mea pro fide sancta, divina, certa, & infallibili tua, & non pro stulta ratione & ratiocinatione mea, adeò incerta, totaque erroribus & deceptionibus exposita. O quantis desidero, jugiter aspicere instructorem fidei, & consummatorem JESUM! Ecce propter fidem hanc sanctam tuam oppignoro tibi irrevocabiliter fidem meam: ut sicut tu fidelis es mihi, ita & ego fidelis semper maneam tibi. Amen.

### *Actus Spei.*

Domine Deus meus, spesque, salusque omnium sperantium in te, largire mihi benedictionem copiosam tuam, ut semper augeatur in corde meo & perficiatur spes sancta tua, spes certa, atque secura, quàm & in te, & in omnia participantia veritatem ac certitudinem tuam  
ha-



habere me semper oportet. Esto mihi  
Adjutor & Protector in tempore belli &  
tribulationis, quæ vel propter culpam me-  
am, vel propter proventum meum po-  
test venire super me, ut perseveret in-  
trepidus animus meus, & tota pacifica  
mens mea, stando fixa, & immobilis in  
gratia tua, adeò, ut per nullam poten-  
tiam, nec ullam industriam, vel interesse  
divertat à te: ut nec ob casum fortui-  
tum, imò nec prævisum, ancoram suam  
unquam dimittat à se tot inter fluctus &  
varietates peregrinationis laboriosæ, & ama-  
ræ nimis meæ. In omni angustia & af-  
flictione quanta quanta mea, in spe sancta  
tua quæram subsidium, inveniam solatium.  
Huic me totaliter committo, & com-  
mendo, quoniam hæc est illa beata spes,  
quæ tantum accipit, quantum sperat,  
quæque reposita est in sinu meo. Non  
ergò Domine permittas eam esse otiosam,  
sed activam valdè, ut operetur salutem  
stabilem cum omni fiducia, instans obse-  
rationibus die ac nocte cum gemitibus in-  
enarrabilibus. Interea vitam hanc miseram  
tua nutriet spes, donec in altera mihi  
[uti optans optavi] veniat res. Amen.

*Actus*



### *Actiō Charitatis.*

Domine Deus meus, scio quia charitas & amor es : fac quaeso, ut hæc virtus pretiosa in meo corde semper perficiatur, eò usque, donec flammis suis omnem amorem proprium meum consumat in me. Amabo te thesaurum unicum meum, & summam gloriam meam, & me in te, & propter te, ut serviam tibi Domino Deo meo. Proximum quoque meum amabo eodem prorsus modo : adjuvabo eum in necessitatibus suis, sicut optarem, & ego adjuvari in meis. Denique omnia, quæ sunt extra te, in quantum mihi a jutorio esse possunt, veniendi ad te. O quantum gaudeo & exulto, quia dignè & perfectè à temetipso amaris, quia Angeli & Beati in gloria, sed & iusti in hac vita illuminati fidei lucernate amant jugiter, ut summum Bonum, ut finem ultimum, ut centrum suorum vectorum, & affectuum omnium. O utinam omnes imperfecti & peccatores [ quorum ego primus sum ] id ipsum facerent. Da viros, da flammæ, & inflammatus, & accensus studebo, & allaborabo omni meliori modo, ut ardeant & alii, aliosque accendant ; ut unâ mecum,  
quid-





quidquid placitum est coram te, & nunc  
in tempore, & tunc faciant in æternita-  
tem. Amen.

*Actus S. Prudentiæ.*

Optime Magister perfectæ orationis,  
& contemplationis, doce me sic applicare  
huic sancto exercitio, ut mediante illo  
merear perfectè illuminari, & in luce tua  
videre lucem, id est, nosse & me, & te,  
quantum licet, & fas est creaturæ. Hunc  
in finem eligo mihi sedulam S. tuæ Scri-  
pturæ lectionem; lustrabo etiam vitas &  
gesta sanctorum, cæteraque apprehendam  
media, quæ promovere & causare in me  
valent majorem S. prudentiæ intensiorem,  
cum adhibita tautela, ne illa remittatur  
ex mea negligentia. Adjuva me Dux, &  
Doctor animæ meæ ad nuditatem perfe-  
ctam spiritûs, totalémque evacuationem  
mei ipsius à me, omniumque cogitatio-  
num ac desideriorum, quæ non oppro-  
ximant ad te; ut dissipata in otio san-  
cto indentidem vacare valeam cognitioni  
actuali dulcissimæ præsentis tuæ. Hac  
viâ crescet in dies penetratio. S. myste-  
riorum vitæ ac mortis unigeniti & incar-  
nati

nati filii tui, quoad elevetur in sublime anima mea, ad cognitionem & contemplationem serenam absconditæ essentiae tuæ; nihil aliud ego rogo, nihil aliud peto, nec postulo. Ah ostende mihi faciem tuam, & sufficit mihi. Amen.

*Actus petitionis justæ.*

Pater luminum sanctissime, & fons omnis veræ sapientiæ, infunde mihi illam cum intentissimis votis ac desideriis omnis sancti servitii tui, ad appretiandum omnia in veritate, & secundum sua merita, ad discernendum inter bonum & malum, inter melius & optimum, ad eligendum omni tempore cum purissima intentione id, quod justum est, & eligibile coram te, specialiter quando scyllam inter & charibdin magnarum hæsito difficultatum, ad aggrediendum opus magni momenti. Quando malæ inclinationes, infirma consilia, mutabilis sensuum inconstantia turmatim irruunt, dissipant resolutiones, & bona dictamina, quæ tempore pacis internæ, & lucis tant præsentia. Id quod ordinariè fieri solet, quoties se se abscondit radius illustrationis intimæ, veraque  
sa.



sapientia. Placeat proindè Majestati tuæ mihi semper esse à dextris meis, ne commovear : sed potius adimpleam hoc semper, quod cedit tam in proprium, quàm in cujusvis proximi mei bonum & commodum. Da ut inter nos continuò vigeat bona & amicabile correspondentia, ad invigolandum eorum proventui ac meliori esse, sine exceptione, & hoc maxime in morali vel spiritali ordine. Sed nihil horum valeo sine numine, quia nihil est in homine sine tuo lumine. Hoc mihi in omnibus adsit, ne tenebræ me comprehendant. Amen.

*Actus propriæ diffidentiae.*

O sanctissima Trinitas Deus meus, tu nosti, quia multis bonis propositis, piisque desideriis gravida incedit semper anima mea, sed ut sortiantur effectum, ut veniant usque ad partum, assistentia gratiæ tuæ necessaria est, opteor quidem preces meas, ut audiantur, vel exaudiantur, minimè dignas esse. Ex hac ratione interpono intercessionem sacratissimæ humanitatis Christi, beatissimæ & immaculatæ virginis Mariæ Dominæ meæ; S. An-  
L  
geli

geli custodis; patroni nominalis mei; omnium denique sanctorum & justorum in cælo & in terra, ut meritis ac precibus suis me adjuvent, doceantque modum & rationem in bonum convertendi mihi omnia bona exempla, & doctrinas, quarum videro in notitiam. Quin & artem hauriendi fructum etiam ex malis discolorumque aliorum moribus, cavendo mihi ab illis, & oppositas virtutes amplectendo. Quis mihi det, ut omnis, etiam irrationalis creatura, mihi serviat pro stimulo & caleari, quo rebellis voluntas mea compellatur currere per viam mandatorum tuorum ad te Domine dilectissime, & ad perfectionem statui meo conformem, quò ad incidam in optatissimos loqueos nexúsque strictissimos ardentissimi amoris tui ad omnem laudem & gloriam nominis tui; quoad omnis diffidentia mea convertatur in S. confidentiam. Amen.

*Actus bonæ intentionis.*

Dulcissime & dilectissime JESU, qui & in te, & inter te sociasti sanctas ac germanas Sorores Martham & Magdalenam ad meam pretiosam instructionem, qualiter





liter præsentem vitam instituere debeam,  
ut tibi placeam : quia perpaucis datum  
est, jugi vacare contemplationi : hinc vi-  
tam mixtam tibi indulges offerri, quæ  
partim in sancta contemplatione, partim in  
laudabili & bona consistat actione, juxta  
exigentiam cujusque statûs. Sed quia  
vitam activam multis obnoxiam curis  
deprehendo, hinc elevo cor meum &  
oculos meos non sine gemitu & lacrymis  
ad te. Da obsecro piissime Domine, ut  
in omni actione mea sanetur, direc-tione  
& bona intentione, quod toties vitiatur  
multiplici distr-actione. Ecce iterum ha-  
beo opus præ manibus, quod aggredior  
propter te. Hoc incipio, hoc prosequor,  
hoc finio propter te, & propter hono-  
rem, gloriam ac amorem sanctissimi no-  
minis tui : sit cor meum nunquam non  
apud te, dum manus occupatur in opere,  
ut hoc per gratiam tuam feliciter termi-  
nato, quantocius revertar ad te. Sic nun-  
quam (uti spero) mihi nocebit actio, si  
semper illam comitetur S. meditatio.  
Amen. Amen. Amen.

Ecce




Ecce habes benigne lector, in triplici hoc opusculo, & quo pascatur, & quo nutriatur sancta devotio, ut crescat per frequentatos actus ad habitum usque tua, & oratio, & meditatio. Horum omnium finis esto (quem tibi medullitus apprecor) perfecta contemplatio. Si prior utraque bonos, hæc faciet certè sanctos. Erit autem absque dubio fructus lectionis uberior, si mente retineas, quisnam eorum, quæ legis sit auctor. Est cum S. Joanne à Cruce, magno & mystico illo Doctore, Seraphica ac Mystica Magistra S. Mater Theresia; hæc cum illo ubique flammæ loquitur, & incendia. Faxit Deus, ut & tua apprehendat ignis iste viscera, quem nec flumina, nec mors extinguat, nec æternitas ipsa.

fiat, fiat.

O. A. M. D. B. V. M. H. & G.









Emptus est liber iste A. 1755.  
Vienna p. Bibliotheca Wigrensi.

Biblioteka Jagiellońska



stdr0023486



